

灌志文徵卷四

碑誌下

大唐故利州長史陳公墓誌

楊霽

勞生者以棟宇爲窟宅復真者以封樹爲兆城大塊所育洪鑪所鑄神奇朽腐理固然矣公諱琰彭州導江人也正氣天與奇氣神授仁而有禮貴而無驕邈然大雅之場獨立元和之境高祖瑤瀘州富義縣丞蓋南朝文皇帝曾孫舒王府參軍洪道之子曾祖某皇朝成都府文學祖昕貞素高尚草芥人爵游心浩然有松喬之志公克勤克儉慶門多福戢鵬翼三年不飛將圖南一舉千里起家拜利州長史君子蹙之嗚呼暗醜之物實浮厥生巢鴛在門百身不贖享年八十以乾元三年八月十八日終於導江私第悲纏鄰里哀惑行路黃鳥悲鳴白雲愁度是生五子必代之昌世殊青眼之美家得白眉

灌志文徵

卷四

碑誌下

之良連城照乘紫綬金章題輿詞美坐嘯騰芳孝義成家德星烜聚雖寶氏三彪荀門八龍莫之與京思罔極之義感劬勞之恩龜謀叶從馬鬣斯兆俾孔邱返魯而遞於父衢楊融適秦而知於元塚維山河帶礪陵谷推遷而蹤跡不磨

宋知永康軍柳公墓碑

王汝霖

宋故知永康軍柳公佾字公雅家世秦州成紀縣曾祖英贈千牛衛將軍妣徐氏劉氏皆令人祖淵武功大夫威州團練使贈秀州防禦使妣趙氏燕氏孫氏皆令人父博彥武功大夫貴州防禦使贈武信軍節度使妣劉氏累贈彭城郡夫人公以父任奏補永節郎久立戰功累遷至左武大夫英州刺史兼閤門宣贊舍人開國成邑男邑戶三百以殿司扈聖統制賜金帶四出任成都府路兵馬鈐轄既滿攝永康軍事丐罷宅家岷麓紹興己卯七月二日

以疾終于正寢初娶宋氏再娶曲氏大將軍之女又娶仇氏右宣教郎巴山  
之女累封恭人男四人曰植成忠郎監邛州火井縣酒稅曰操曰權曰柄皆  
保義郎女二人孫男一人女二人尙幼十月十一日葬於岷山廣濟鄉永寧  
里新兆汝霖謹書于石納諸壙中以誌歲月云

永康軍通判杜君墓誌銘

魏了翁

始予逆婦成都吾舅威州府君教子有桀度其冢子廣心字德充威州誨之  
曰魏華父志紹往哲吾以子妻之非若世之繫援高門也將俾汝曹觀善刑  
德焉德充服父訓惟恪敏學馴行有聞於薦紳間雖然予猶未之深知也德  
充凡再丞縣久宦弗遂予甚念之將爲之引重於諸公貴人會李允塹自潼  
川移常德予代爲守新故侯飲酒樂故侯曰我有婦黨爲射洪令子爲我舉  
之子之婦黨杜某則予不敢遺遂以薦書一通授予曰是將舉射洪令者子

灌志文徵

卷四

碑誌下

二

以吾名改畀中江丞予爲德充言德充艷然曰然則是舉潼川守非知有中  
江丞也況子也方以大公至正表廉貪而涖官之初與故侯更引私親何示  
人不廣子其辭之不然則以付射洪使自爲謀我不敢膺受至是予始知德  
充之識果有異於人也德充少鞠於母黨八歲而歸逮事王父事繼母尤得  
其驩心劉文節公之妻李與吾外姑舅弟也德充早親文節之教氣質以美  
又及事舅息齋先生李公嘉謀見聞染濡嚮趣近正以父致仕恩補官監雅  
州盧山縣酒務轉爲依政中江涪城三縣丞知崇慶府江原縣制置使辟通  
判永康軍未上丁母憂未除喪紹定五年三月己亥以疾卒年五十有四階  
奉議郎服緋衣銀魚嗚呼德充而止於是也耶初仕盧山輸負課於期年部  
使者才之檄攝隆州鹽官剔弊蠶滲并收沛然在依政郡使輔邑長治租賦  
長不嫌其逼邑有土門堰官吝於費歲輒壞德充賦丈庀役人利灌輸在中

江捐奉泉治官舍以奉母攝令鹽亭以治稱暨丞涪城刑獄使者應懋之留以自助讞議不問其長推鹽法不盡利掌米廩不求贏部刺使郡守交薦譽之改秩知江原縣號難治輸負課爲緡十萬有奇增楹以築繩橋民不病涉至是仕二十年矣奉賜率緣手盡聚書求友田畝不長尺寸取於物之薄蓋若此而天亦不畀矜之也杜氏故隆州仁壽徙華陽其譜由唐翰林學士遜能以下昭穆可考曾祖開祖宣義郎知來考朝奉大夫知威州益母導江張氏繼母江原張氏雙流李氏皆封安人贈宜人妻封安人於宜人爲姑姪知懷安軍嘉木之女安人始歸杜氏德充父祖皆無恙三世指干安人左右承事無違李宜人沒安人哭之慟繼以毀卒紹定四年六月某甲子年四十九有九德充哭母未幾又喪其偶益不自聊明年予歸自靖道成都弔之怪其神離而形瘠爲留數日乃別抵里門則德充訃聞矣六男子長直柔先卒次

## 灌志文徵

### 卷四

### 碑誌下

### 三

直溫直道直中直諒直養孫男三人慶初慶餘慶增初爲直柔後孫女一置溫兄弟卜六年十月甲申奉德充與安人之喪合葬於成都縣金泉鄉坤山之原先事來請銘銘曰物競我舒人棄我趨謙靜有福匪天道與而嗇其齡而扼其軀輻有所制豈宜然乎

### 太孺人賜冠帔黎氏墓誌銘

魏了翁

開禧改元之夏余官中祕書青城王表民以進士造廷始與傾蓋而語檢履醅固心實期之嘉定之明年春表民過余於里舍拜且泣曰吾昔喪吾母將以某年某月甲子祔諸導江縣武騎鄉吾父之兆昔者乙丑之會表民常辱察焉識竊之銘敢援此以託於子則辭曰竊之有銘非古也婦人名不出閭子善自飭使身立名歟斯其爲銘也大哉日子之教既聞命矣抑表民之窮毒人有不及知者吾幼始居約時自園以內麻桌饘爨米鹽醬醢吾母實躬

其勞伯父宋傑兩預貢籍仲父宋又登紹興第仕至石泉守吾父獨不偶吾母曰乖違命也毋多戚除館聘士教授諸子大父所居爲堂曰勝籬石泉君質之以治庭對之裝吾母曰先訓不可墜也乃盡斥橐中裝以庚之堂既歸而歛陋弗治又勉葺之蓋十五年而復舊人緩急叩門力所逮給未始有愛吾父之賓客至無留門者逮罄居持家益自力聚指日夥至僕僕筮薄織社組紉以佐衣食之闕視已出若配所出拊育均一人莫能厚薄名淳熙十年余兄子俊達之充賦于永康維州各以詞賦居第一吾母差自慰卒罔克壽紹熙三年第三兄天民復舉禮部明年唱第庭中階廸功郎主潼川府通泉簿吾母喜曰詩書之澤幸不墜於未亡人之手方倚門待還而遽以訃聞余弟之在七者曰宜之以後叔父咨用蔭調巴州通江縣尉嘗貢于某路轉運司俄又早世是數者皆人所叵堪匪姿性明悟疇以自釋嘉泰改元得重隄

灌志文徵

卷四

碑誌下

四

之疾弗良于行表民當應進士舉重違膳藥吾母觴之曰爾飲斯吾尙能力疾以遲爾之得表民悚然以醕少學春秋輟通大指有司誤以冠鄉舉暨四月丁亥造榜則吾母以壬午屬續矣免喪不死始獲齒開禧改元進士榜調漢州綿竹尉嗚呼尙忍言哉人有子貴於終養表民之兄弟其策名科舉者率先卒以重母感其幸及豆區祿者雖獨後死而不獲一日之養不孝之罪上通於天不銘無以識也余瞿然警謝曰子之言及此不敢曰不可孺人蓋華陽大姓名道素曾大父上行皇太府寺丞大父朝彥皇秘書丞父纁娶王氏封孺人朝奉郎仁之女是生孺人以歸于王君宋文生長見聞熏習儒素用能安貧篤踐具婦母道而始終衷焉王君之元配魏氏生男子卽子俊達之女子曰松壽嫁溫江文舜中皆卒繼室以孺人生六子卽天民表民次裕民秀民宜之順民天民宜之順民亦皆先卒內外孫男女十有五人孺人兩

遇慶壽恩得初等封賜冠帔銘曰士修於約維述之良淺泳深方靡居匪康厥修弗顯厥報孔彰謂報則那卒負其償或朝而被或夕而芳譬彼場苗既耨既秧雖有饑饉亦有豐穰塉是銘章後人之慶

姪女端意墓誌銘

魏了翁

導江黃不已以書來曰之純昔歲客臨安辱先生之知許以弟之子妻之其後先生南遷之純西還乃紹定元平十月外姑李夫人醮子而遣叔舅敘州使君賓遴以歸於我名端意小字廣今年年二十有七有娠尋感疾以沒實端平元年十二月戊辰也嗚呼痛哉夫人哭之慟曰爾之柔順端靜不妄言笑自爲我家婦七年之間以爾庶姑與爾母之喪練衣佐餽曾不再歲爾乃疾病乃不生育乃罔克壽以重爲我哀越五日壬申先生亦以辭弔之曰爾夙喪而父前歲又喪而母爾遭閔凶亦云極矣既極而通汝之舅有誣盡白

灌志文徵

卷四

碑誌下

五

方以郡紱起家夫子有聲士林亦將簿正成都爾乃殞棄盛年爾之諸父惟吾獨存遇此不淑其何以爲懷也之純痛惟婦忝而生於鶴山先生之家又幸而能馴諸父之訓而其不幸乃有如祝辭者今命日於蒼龜將以端平二年某月甲子葬於某鄉某里某山伯舅幸賜之銘昔柳氏之小姪尙託柳州以不朽柳州伯舅之所不爲婦之年又不爲小不宜使視柳氏小姪弗如也某執書哭不自勝爲之銘曰喪父景翁喪母李氏敘守文翁亦復爾棄僅存惟吾與君尙志吾以君召窆不爾視爾舅伯恭爾夫不已求我銘竊予尙忍識緘淚矢詞以納諸隧

故文林郎東平路教授張君墓碑

吳澄

君蜀人也姓張氏諱頤字達善世居導江之東里曾祖廣成贈承事郎祖諱仕丹鄉貢進士父諱瀛將仕郎階廸功郎江州彭澤縣主簿母黎氏蜀有兵

難主簿君從其外舅監丞黎公出蜀寓浙君生始四歲主簿君攜以見季巖李公西山真公俱目爲奇童年十六而孤奉母居海濱師其先友業進士詩賦弱冠以蜀士流寓試不中改試春秋義平舟楊公棟勉之學義理之學年二十七師金華魯齋王先生柏君有才華以所讀書十數條演繹其義質於師不答君請曰某不敏願先生啓發之乃出君所論指示之曰若所論昔人已嘗如此云云朱子所不取也俾讀論孟精義自此君得聞所未聞既而平舟楊公罷參政居台而台之趙守及臨海趙令並喜講學君造請其間多所資益游錢塘出入翰林史館禮寺習知故實還台省母屬天兵南來家殲焉君煢然一身授徒自給初以浙西按察僉事夾谷公薦授將仕佐建郎康路教授遲遲四年始之官未及一期而代再以行臺御史中丞徐君薦授登仕佐郎孔顏孟三氏子孫教授顏孟家廟歲時以俗禮薦爲制籩豆更定祭儀

## 灌志文徵

### 卷四

### 碑誌下

### 六

俾其家申請正顏孟配位南向之失升曾子子思配饗以周程邵司馬朱張呂氏九儒從祀及其它便益事宜非一秩滿郟城士大夫具書幣迎致以淑其郡人留四年學徒自遠而至者日富教聲洋溢乎中州有以國子監官薦者授文林郎東平路教授引疾不赴歸於儀真依江東宣慰使珊竹公以處君自幼敏悟氣毅而容肅未嘗一日廢書經史傳記禮樂名數靡不研究教人讀近思錄爲四子階梯四書以朱子章句集註爲本次讀儀禮詩朱氏傳書蔡氏傳易先朱子啓蒙本義以達程傳春秋胡氏傳張氏集傳讀史及諸子百家定其是非邪正作文字書亦各有法講說明暢援引該瞻粲然皆成文辭音節抑揚中度聽者莫不竦服其所著述有四經歸極孝經口義喪服總類冕弁冠服考引穀訓蒙經史入門闕里通載淮陰課稟等書及文集若干卷年六十七以疾終大德壬寅六月十七日也葬于楊子縣甘露鄉三城

里蜀岡之原以前配馮氏祔再娶黎氏外族宣教君之女生女二人長延秀通詩書大義嫁門人保定王元次延顯許嫁真定李某至元丁亥予識君子建康其後予客東淮又與君之所交所教者遊故知君爲深至大辛亥王元走京師求文表君墓嗚呼講明朱子之學使人人聞風敬慕能如君者鮮矣而不獲於時又無嗣僅有女傳業疇不爲君惜況知君之深者乎於是敘次其事而繫之銘其辭曰煌煌陳編茫茫緒言彌演彌繹波濤蔓延孰得其珠孰買其櫃維吟與呻奚滿非匱曰若碩師泯焉夸毗孰爲省之孰令領之猗達善父蘊如今古颺馳霆旬疊疊音吐是庸非異金玉相宣爰著斯銘耀于荒阡

劉善堂先生墓碑

李惺

道光十九年灌人以善堂先生行已服官醇厚端潔是宜入鄉賢祠合詞上

灌志文徵

卷四

碑誌下

七

請達於禮部部報曰可既已奉主入祠矣二十三年六月先生門下陳君錫周又將碣於其墓之原屬惺誌之先生諱繩武世爲灌人父諱東陽邑廩生晚而痺痿先生日侍左右夜亦解帶者年餘卒之日哀毀骨立生母早卒事繼母如所生異母弟二友愛倍至族叔東華合門被疫親舊無一人存問者先生爲之延醫治藥餌其家卒賴以甦嘉慶五年庚申科先生舉於鄉同年友戴瑞岡者詣公車旋病歿先生親視含殮自京邸扶其柩以歸俗學求工帖括大抵爲科目計先生承其家學具有根柢其教士以躬行爲本以實踐爲要每散步田野間遇人即與之言孝言弟雖耘夫牧豎亦聽而忘倦嘉慶二十二年丁丑科大挑一等籤發江西歷署龍南贛南康新昌等縣事兼署南安府同知及贛州府通判事家故寒素及入官而清白之操始終如一嘗云才智有窮時術數亦有窮時所可恃者惟此心耳以故所至之處皆著循

聲道光三年江西巡撫程公含章以廉能入奏上特降溫綸准其不論繁簡  
遇缺儘先補用顧未及實授而先生已卒則道光八年九月二十七日也附  
身之外毫無餘貲江西士民賻而返其櫬焉先生生平大略有如此者於康  
世衰道微士人又率爲貧所累不知有心性又安知有行檢一旦策名仕版  
方將借以償其平日之私而民生所弗恤也求如先生之處爲眞士而出爲  
良吏者何可多得惜乎天阨之年僅小試焉而未竟其用然先生之矜然不  
滓而卓乎有以自立者固已不負所學矣於康可以風矣灌爲成都屬邑鄉  
賢惟導江先生最著前此華陽國志所述蜀郡人士四十三人江原得常治  
王嘉二人江原爲今之崇慶州地然亦灌境也世無常道將其人鄉先生之  
湮沒不彰者何可勝道醇厚端潔如先生固史氏之所不得而略者故備書  
之以爲後之蒐輯文獻者告焉

灌志文徵

卷四

碑誌下

八

文軒何公墓誌銘

劉沅

古者墓而不墳後世封之乃有銘誌陵谷之憂其慮遠矣然苟動崇業著輝  
之竹帛紀於太常誌之有無蓋所弗計若夫潛德幽光未登史乘其人可傳  
其興可俟君子不忍沒焉郭有道之銘蔡中郎所以無愧色也文軒何公名  
志道字闇然先世資陽人高祖某遭獻禍遷灌五傳而及公髫年失恃繼母  
惠而賢課以舉業年十七入邑庠慨然有破浪之志金匱肆逆從事於輓輸  
間出奇畫策皆有成效卒以數奇不偶既而讀書應試屢躋文場僅得優廩  
道光二年由歲貢生授合江訓導而公已老矣遇覃恩賜贈考妣卽辭歸蓋  
公之所蓄無可發而又未嘗不有以自娛也生子三人伯嘉瑞季廷瑞皆列  
於庠其仲榮瑞子濟川亦十七而遊巒來學於愚因得悉其家世詳及公之  
平生焉其居家以勤以儉其接物以敬以和宗族鄰里無不奉爲楷模待而



舉火者若而人薰而善良者若而人其督勵子孫自文史以外未嘗汲汲也居恆有言處世不可多求多求則多怨多怨則多訟多訟則多辱蓋公之慎於德而遺其後者至深遠也享年八十有四以道光九年三月三十日卒翌年正月十六日葬於獅子橋之山有孫七人女四人銘曰岷山之英惟公炳靈生爲屏障歿亦棲神載詠振振風骨嶙峋奕世而下必有達人

何母王孺人墓誌銘

劉咸榮

孺人王氏名醫筱菴先生女年二十歸灌縣何君朝品何君以孝聞孺人偕之以摯益之以勤而君之孝愈著戚儻稱嘉耦焉孺人直而厚溫而慈儉而有禮其於婦道尤極婉愉凡屬舅姑之親愛者靡不曲盡其力協之以和孝之所推精神流注其賢其一固如此生子二學典學章嘗召而告之曰毋忘爾志毋嬉爾游毋貽父母羞一飲食之間未嘗忘之其難其慎又如此其姑

灌志文徵

卷四

碑誌下

九

劉太夫人嘗顧而樂之曰吾家有賢婦天所福也不幸以疾卒何氏家中落孺人仰事俯畜備極苦心其致疾也蓋亦有由先是孺人之母事舅姑以孝鄉人賢之孟子書云往之女家必敬必戒知其母之賢而知其姑之喜其受教於平日信而有徵今之男女婚姻緬越範圍禋祀之謀夫焉有濟蓋亦多矣何氏之先有官合江教諭者名志道字文軒有德而未展其才以講學終先王父止唐公爲之撰墓文其孫濟川爲先王父門人其弟其子侄皆從事焉若拔貢若廩貢若諸生世澤蟬嫣代不乏人至孺人之入門蓋已四世協于休祥其得賢婦也固宜學典官鹽場知事仁壽縣縣長學章官營長兼辦市政克繼其先無世俗恣睢氣學典弟兄歸謁墓道有老嫗曰其母孝故其子賢亦篤論也自非諛墓之文所可同日語學典弟兄贖回舊產雖不殷富亦前人之遺也是皆孺人精神之流注以迄于今以視累金千鎰而其家少

識字者又何如耶學典爲余門人爲言往事自孺人沒後堂上姑每思賢婦含淚而道之學典言之不覺淚下卽謂孺人之精神至今猶在可也嗚呼孺人賢矣孺人生於清同治乙丑年八月初七日卒於光緒己亥年五月二十一日子二學典學章女一祥禎孫七宗夷宗齊宗尹宗棠宗亮宗寶宗棟女孫三宗蕙宗芸宗萼于縣葬東之金馬鄉雙土地何家大墳園之陽銘曰江源之山卓然立坤貞而靜仰婦德不永年兮永其澤其儀至今思不惑奠此泉扉鍊精魄

渠縣訓導羅君墓誌銘

高升之

今世之所稱爲德者謂必峻崖岸獵聲華所稱爲福者謂必掇巍科登顯官豈其然哉蓋嘗回憶我生之初見若所謂耆宿幽光弗耀無以異於鄉農而溫煦之氣藹然撲人眉宇及考所膺福履亦皆平淡然有識者已極推之謂

灌志文徵

卷四

碑誌下

十

洪範五福彼無或爽豈非德至純粹天所獨厚與若是者世不多覩吾今乃僅得之綺樓羅君君諱鳳藻先世仕奇府君由南部遷灌縣羅家橋三傳至文炳府君生二子次日智章府君卽君之父性剛直見推里黨智章府君生四子君爲伯氏生有至性祖病篤命執拂驅蠅遵其教終日不違人以比黃香之扇時甫六齡耳祖歿事祖母崔則樂之而忘其老逮補縣學增生食指漸繁太翁年衰君乃肩家政與諸弟共經營太翁故好善凡有義舉皆竭力副親志故家雖窘迫且見爲有餘焉食餼後太翁禁出保曰吾家雖匱切勿忘敦品今保師每作奸犯科覲得多金汝不可蹈陋習君唯唯乃得請歷十餘考皆恪守所戒暨服官務屏絕夤緣事仍凜斯訓也君旣內嚴於親而外復憚於師幼卽率教讀常過程遞事夏碧橋路步遶楊石儂劉善堂諸先生多所領悟故雖寒苦而能樂道守志性耽吟詠日與知名士酬唱公事一不

染指賢有司以是重之或以詩篇相投贈然惟杯酒接懽而已生平最愛陶詩其逸趣固相類即宦蹟冷落亦同殆有異代神交者耶君嗜讀書將終老田間未嘗有膺仕想即使有之而貧士何由作費郎會粵氛甚惡執政需餉急入粟補官例忽減君初貢成均友人以爲貧而仕勸君漫應之不虞其竟得宏渠廣文也在他人多金謀一官不可得君顧得於意外可不謂天之福善眷德哉且予跡君行誼應獲多福固矣而尤足矜式流俗者如原配苟孺人未娶得瘖疾外舅議罷婚君不可及來嬪或有以置筵室勸者君謝曰娶譬娶躡昔固有之某雖不敏其敢得罪古人嗚呼此盛德事以視少年薄倖身未貴而欲易妻者相去遠矣君弟三人析居後相繼逝乃慨然任教養撫猶子益厚恆分糈贍之訓諸子曰骨肉一體藉非祖宗累仁我何由享餘慶豈可獨自厚君既樂善在渠益刊勸善書最著者曰養正彙編謂足爲訓蒙

灌志文徵

卷四

碑誌下

十一

式曰福善明徵錄謂足爲士人法每學使按臨綏屬輒印送生童無慮數千部楊禮南督學至此稱善者再亦助印若干晚見福州梁氏勸戒錄復印送數百部是皆有裨教化者也每歲春躬履渠境訓俗禁書役擾民辛未渠大饑首捐俸煮粥以活餓者君性和而介在渠任久未嘗以非公登有司之堂索居無悶如作秀才時唐棣園太守服其勁直喻以古松歷任學使俱優禮君不加差委而綏之紳耆亦復式好無間焉同治三年以城防功加國子監助教銜先兩世均得贈典如其官君生於乾隆乙卯年二月十七日卒於光緒乙亥年五月初二日春秋八十有一卜葬崇義里苟孺人生子三永祥永彬永昭皆國學生繼娶蕭孺人生永勳邑庠生女五殤者一餘俱適名門孫男十一孫女七曾孫四曾孫女一綜君行事殆以善終始者永勳從予學以狀來請銘且曰是先人治命予感其誠爲之銘曰昌時啓兮來祥麟駸駸穆

穆麟之仁一團善氣凝爲君要與薄俗回陽春導引元氣斟鄉鄰醇醪一飲醉不醒天耶人耶理何分人所敬者天亦欣敦行孝弟安且純干將弗試光回熒儒冠終老貌溫溫諄篤教化招氤氳間以偉麗鳴韶鈞泠泠大雅遺元音潛德弗耀光氣騰化爲虹玉蔭子孫貞石勿毀視茲文

貞孝楊文蓮墓誌銘

高溥

青城之南曰味江鄉有奇女子者楊姓其名文蓮映藻先生之女也以咸豐八年五月五日薨志別命於井閭里喧傳其異余聞而嘆息久之因思人生有此經常達道人所共由不可離也然有夙因者往往漠棄繁華僻就孤潔惟知篤於所生一切塵緣胥視爲苦惱之境生如寄死如歸楊女殆其人哉客有持狀來告者知其幼聰穎喜讀書恆以身非男子不能顯親揚名爲憾志喜樸素見世之修容媚嫵者心甚鄙之斯豈閨中尋常人歟且性純孝願

灌志文徵

卷四

碑誌下

十二

終身以奉親有問名者輒不喜母疾籲天請代故年逾笄不字也比來議婚垂成女深以不克全孝潔身爲辱遂決然自盡毫無顧戀如此鄉先生僉曰羞借彩鳳願逐冥鴻念切慈烏心灰奠雁可謂貞且孝矣余不能異請以貞孝謚之銘曰致命遂志雖死猶生玉埋塵世神遊太清仰曇花之一見長炳耀乎星精

劉昂軒先生墓表

陳炳魁

先生諱驥字昂軒姓劉氏灌南柏木岡人父太夫子永璋公試屢前茅不獲進以學行著學者稱明遠先生妣周孺人楊孺人早卒劉孺人生四子先生其長也年踰冠尋食餼道光乙未舉於鄉先生性純孝侍養太夫子能博其歡所鈔窗壁格言悉刻爲觀省錄蜀州廖公宏偉著澹遠齋文集學有淵源因刊以行世業師周公鵬冲溫江副貢生卒於寺館承命葬之祖塋家居訓

徒課以經明行修成名者百餘人凡助族黨周鄉里矜孤寡表貞節力所能爲者靡不毅然任之太夫子每聞進一徒行一事輒欣然喜曰吾志遂矣享年八十有五乃沒先生廬墓三年風霜雨雪靡夕不往先生幼卽誠篤力學能文及壯試輒高等屢薦秋闈始獲雋數十年手不釋卷研究四子六經之旨旁及子史百家裕經世才三試春官不第甲辰大挑二等階廣文士論惜之先生曰官無大小稱職爲難何可易視教職乎初攝篆慶符搜訪節義捐俸請旌三百餘名議建總坊衆難之俄城外山崩其石皆柱梁材秋江暴漲數日桴運畢至闔邑詔有神助踴躍樂捐六旬而工遂竣司鐸一年解任歸士紳衣冠濟濟獻詩捧觴沿途餞之路人歎爲盛事及授廣元教諭倡捐改建崇聖祠宮牆悉竄以甄每季課談經講藝尤於義利之分公私之辨反復指示有端士習論邑宰朱鳳樓序而刊存學宮廣邑距省遠有貧難應舉者

灌志文徵

卷四

碑誌下

十三

具文書給資斧勸之往諸生感德聞先生捐館咸太息曰泰山頽矣吾儕將安仰乎靈柩回籍執紼至昭化界猶哭慟不忍去先生卒於咸豐乙卯六月二十六日享年六十有六配王孺人子四長昌繼貢生次昌述庠生又次昌麟昌光著有四書講義嗚呼先生卒廣元學署蠶之歸葬青城也二十有七年矣生平道德文章足以維風化垂模範者歷歷如在目前魁故敬述之付其子若孫勒諸石以表於墓

胡公墓表

陳炳魁

公姓胡氏諱正宗號一通邛州東鄉人先世居重慶府燕子溝鳳凰嘴高祖世榮避獻賊遷於邛夢神語曰枸樹穿堂出者汝宅也覓之果得遂家焉曾祖明玉祖應吉考文郁妣周孺人生子三公其長也少穎悟以母逝家貧讀一載遂習醫於岐黃各家言一目卽洞悉其微及壯醫名日噪慨然以濟世

爲心有延之者雖深夜及雨雪必至於貧人則施藥以療之歲時伏臘男女拜候盈門感公德如父母富家酬金輒以周人急每適城市餓夫乞兒環睨道旁見公至歡然曰胡先生來矣爭伏地以手承公施散錢紛如落葉晚年知易及堪輿術數諸雜學從遊百餘人公因所學而各授之鄉人比諸鬼谷先生配羅孺人性賢淑能茹辛苦以助公施子五曰邦定邦訓邦志邦靖邦奎邦志貿易灌偕邦靖落業城東石牛壩孺人就養焉公年八十五始來灌日能健步百餘里齒髮宛如壯年孺人享年八十有六先公卒葬宅右公享年九十有六以同治十年二月初七日合厝於孺人之墓嗚呼享遐齡積厚德洵老成典型哉故謹按狀表之以告胡氏之子孫並爲斯世風

楊公墓誌銘

陳炳魁

公諱遇陽字靜軒姓楊氏邑筏村青城甲人先世籍楚麻城父義仲母張氏

灌志文徵

卷四

碑誌下

十四

少嗜書未弱冠以兄逝廢讀佐父成家置產千餘畝援例入貢非其志也公事親孝庭闈底豫五世同堂聞於朝賜慶衍期頤額銀八兩緞一疋司馬強公募圃表其門曰慈孝延禧公性嚴正有才幹邑大軍役必與商周公椿園蔡公佛田皆邑之賢侯尤重公奎光塔安瀾橋諸役悉以委公公慎出納杜浮靡殫心經理不徇情面同事皆憚之且愧歎弗及公居鄉多義舉里有石文菴建宇以奉之鄉有青城課施田以助之左江分水上游常患覆溺約任姓造樓橋不募以成之青城沿山貧戶每難喪葬施棺木購義地出鏹以爲之太平石羊諸聚人煙稠密歲荒歉減價以糶之災水火運米以賑之嗚呼積而能散公誠好行其德哉宜乎光前裕後登賢書遊巒序者接踵而起易曰積善之家必有余慶其公之謂乎公卒於咸豐庚申年正月十六日享年八十有四原配徐氏生子二長子茂棠職員次茂蘭壬辰恩科舉人揀選知

縣繼聚周氏孫七曾孫十九玄孫十一以咸豐壬戌年吉日卜葬於飛龍橋辛山之陽銘曰吉人爲善積厚流光佳城孔固長發其祥

蔣君墓誌銘

陳炳魁

君諱登建字用中姓蔣氏灌南陳村人先世籍楚北麻城孝感鄉入川居洪雅始祖守道妣宋氏徙重慶州西之白衣菴五傳至祖廷堯妣王氏始遷灌父萬順母葉孺人生二子君少聰敏年十四父命兄讀君治生遂辭塾歸佐父經營道光辛丑夏黑石河溢仁和橋東岸君宅也波濤湧入深數尺舉家驚惶失措突牆下有木數丈裹枝葉橫障之左右成河宅竟無恙水涸見者奇之不數年君相父起家置田數百畝父卒君繼之拓產千有餘畝同治丁卯夏復漲壞田數萬畝君慨然出金三百兩資兄倡辦河工衆踴躍從事凡十一處次第落成今十有五載矣沿河田地墾復君倡捐之力也君性沈

灌志文徵

卷四

碑誌下

十五

靜寡言笑居鄉未嘗以才智先人而地方諸義舉多賴之富而無驕積而能散其君之謂歟君卒於光緒庚辰年十月二十八日享年六十有七配宋氏子四長錫藩諸生次惠春家春先君卒季年春國學生孫二以某年葬於某地吉山之陽君兄登第歲貢生與予兄弟交錫藩又從予學走眉數百里乞銘嗟乎君吾良友不能執紼引柩愧范巨卿矣忍弗銘乎銘曰佐父起家析薪克負助兄築隄捐金勿後猗歟孝友彼蒼所佑鬱鬱佳城永藏不朽

錢君墓誌銘

陳炳魁

有邑茂才曰錢君煦生性聰敏能文章鄉試屢薦不售遂肆志山水出廣交遊蜀之郡邑足跡幾徧而應事權奇往往出人意表所至邦人士莫不爭識之歷年所入贖儀脩脯不下數千金蓋棺日家無餘貲人多疑且謗焉葬之前一日其子以狀來請誌予反覆觀之乃知君之親骨肉厚宗族恤里隣者

得財卽散無愧名教中人也爰爲序而銘之君諱春陽金村石龍鄉人先世籍江蘇長洲縣國初玠元公官湖北右營守備沒於陣子洪基奉母顧宜人由楚遷蜀居灌城尋徙鄉曾祖衆選祖瑞父廷欽太學生母宋孺人繼母楊孺人生子各三君其次也太學公性豪爽不屑生計家中落君曲意承順得其歡心伯父病篤子尙幼恐貽太學公憂親爲醫調及歿喪葬悉肩之太學公卽世昆弟六人析居後哀多益寡每爲助妹四人嫁儀獨任之從兄某羈於瀘餒甚君曰弗歸將死道矣出金招之從姪某久於營不得官君曰無貲曷濟贈金以成之叔祖某老而無子爲擇姪以嗣從弟某遺一子夭於外婦再黜母老女幼爲理家政且後之邑東朱匪謀亂累良民君爲雪之後復張君陷入脅以殺款以禮不爲動且曉以義賊心析君得出嗚呼古之賓興也首重六行曰孝友嫻睦任恤君殆兼之矣至臨賊不屈尤見大義哉彼庸庸

灌志文徵

卷四

碑誌下

十六

者烏足以知君君卒於光緒戊寅年正月二十三日享年六十有七配周氏先君卒子一毓岷縣學生孫一宗菴女二長適沈次適周秉璋諸生以卒之年四月初十日卜葬西山之陽銘曰葱葱鬱鬱天錫佳城陰及苗裔丕振英聲

王孺人墓誌銘

陳炳魁

孺人王氏灌南青城甲王公諱鳳次女高公字香亭之室也香亭公從叔習弓馬孺人事翁姑能體其勤儉志井白爨沒皆身任之太翁歎曰有媳如是勝似佳兒矣姑太孺人疾風癩孺人躬侍左右澣漱搔抑纖悉備至香亭公得筋骨疾孺人勸其罷武而課子以讀長君志元能文善書登丁酉拔萃科由母訓多焉孺人處妯娌和仲嫂家落每歲必延居數月間日輒酒肉款之親愛視未析居時有加性好施有舊衣襦手親補綴歲寒以給族隣無衣者



貧人易米必益之謂子孫曰若輩血汗錢毋令虧也孺人至老猶勤而舉止從容宗族里黨咸欽之卒於咸豐某年月日享年踰七十子二女三孫幾以同治己巳年仲冬月某日改葬於雙青欄之原去香亭公墓丈餘嗚呼魁讀孺人行狀孝敬慈惠悉兼之其餘慶不誠遠哉謹爲誌而銘曰懿維碩人母儀孔彰天錫宅兆遷地爲良山川明秀鬱乎蒼蒼佑及後人永熾且昌

誥封中憲大夫周府君墓誌銘

陳炳魁

君姓周氏諱廷棟字燮臣其先湖北麻城人明季忠武公字寧武力戰死夫人劉氏殉之向夫人攜子世乾突圍出走國初入蜀爲君始祖世乾生全遷灌邑遇神僧指青桐檄下家焉遂世爲灌人曾祖尙仁富而好施縣人德之曰周善人祖鳳鳴父伯順孝友和易鄉里私諡曰醇樸先生妣氏牟有丈夫子五君其仲也幼英敏年十四兄亡產中落勃然曰吾家世積善貧不自給

## 灌志文徵

卷四

碑誌下

十七

尙安濟人躬自刻勵既耕且讀尋遷居縣城懋遷爲業不數年致千金屢聚屢散無所恠鄉人皆賢之縣西白沙義渡君曾祖稱善人者之所經營也有田一頃歲取租年深費絀君及其弟踵爲之冬梁而春杭出重金以益其租之不足者咸豐末年逆竄川西所過州縣無堅壁縣令采人望檄君任城防君忠勇奮發經緯萬端戰守之具數日而辦賊入境偵有備卻走城郭內外安堵無恙事平義不受賞大吏奏給五品頂戴君亦不自褻也灌爲江水源寶瓶口在縣治南前水利同知強君建慰農亭於上不時登眺以矚水之消長同治丁卯夏六月大水蕩曠無存荐及城址君積資復之構一亭一軒築長隄百二十丈外捍江水內衛城郭居民樂之君既以義風世德見信鄉閭里之人有忿爭者造廬請質君莊謔雜陳是非立鏡生平尤篤內行每述厥考博學能文不得備員博士弟子輒涔涔淚下以此見君之仁親愛物自有

本原宜其後之益昌也以光緒戊寅年十一月十日卒於家春秋七十有五  
明年已卯十一月八日葬於城東金村忠義甲先隴左側首乾趾巽配氏梁  
先君三十六年卒實爲道光癸卯四月十日未時以君葬日遷祔焉子四盛  
典咸豐辛酉科拔貢生吏部七品小京官題升主事同治甲子科順天鄉試  
舉人光緒丙子科進士翰林院編修遇覃恩封君及君配如例盛隆早卒盛  
祺詹事府膳錄議敘縣丞盛文國學生女二長適楊氏次梁氏孫慶綸魁自  
幼悉君家世長與冢嗣爲齊年友獲聞其生平言行知積累貽後之未有艾  
也是宜銘銘曰青城之山大江所經靈氣盤鬱中爲曠庭是有幽宅開闢鑰  
扃於此棲魄抱樸孕靈茫茫終古何且何冥埋石不朽上告日星

重刊張龔氏墓碑

佚名

節婦張龔氏不知何許人舊碑祇載曾祖思榮祖虞父漢中清白傳家世有

灌志文徵

卷四

碑誌下

十八

令德節婦以乾隆壬午年十一月生幼秉淑姿不喜華飾及笄歸張開陽家  
極貧無怨言越數載夫歿無子翁姑亦相繼逝慟欲捐生既念父母貧老無  
依乃歸侍養先後壽終喪葬如禮以道光辛卯年正月卒春秋六十有九論  
葬聚源場東觀音橋側曰婦人之行莫大於節風詩所詠惟共姜一人即春  
秋所書亦僅紀叔姬蓋守節若斯之難也顧在富貴之家甘猶足以慰苦若  
在單寒之室苦更無以爲甘張節婦未知於古人何如而飲冰茹蘖似較難  
焉况歸侍終養孝尤其卓絕哉吁可以傳矣

張太孺人墓誌銘

郭維藩

孺人姓張氏灌東崇義鄉人年十八嬪於祝事尊章惟謹已而喪所天撫其  
孤內安外禦飲泣摒擋時孤明勳未成立就外傳讀里中不逞者疾其富而  
妒其能思有以傾覆之太孺人若不覺者嘗寄之外族張氏以避禍而厚卹

族鄰親舊無吝容無倦色也久之不逞者無所用詐則轉而交歡之勳既長  
巖有遠志與人交不逆詐不僞不信惟以老成者爲矜式蓋一秉懿訓也藩  
姑母與孺人爲妯娌幼卽與明勳稔訓其家塾復六年以故誌墓之情難以  
不文辭太孺人以乾隆乙酉五月十八日生道光庚戌二月初四日卒享年  
八十有六子女各一孫女二咸豐癸丑十二月二日葬宅右先塋去翁墓尺  
有咫而偏右夫撫遺孤繼先德恢宏世業俾熾而昌求之鬢眉不多覩况巾  
幘哉是宜銘銘曰寶珠之英威鳳之靈間氣鬱勃鍾太孺人松柏比堅茹辛  
作苦心劬鞠育責肩父母石不可移珉貞斯土

何芋農先生墓誌銘

何璟

灌縣何同年汝源奉其先贈公遺狀泣請於璟曰先君子沒二十餘年矣源  
時甫十四歲于先人行誼弗及知比長聞太孺人訓敬志一二事顛末餘多

灌志文徵

卷四

碑誌下

十九

苦不詳源又自恨無文不能爲瀧岡之表隱痛至于今幸撥一第邀一命  
皆先德所流貽也源敢望諸乎源適假歸里不及今謀所以不朽先人者久  
懼將失墜源罪滋重敢請銘璟與汝源交最久知最深于先生又年家子也  
敢不諾而銘諸謹按狀先生諱于萬字遇隆芋農其別字也先世以忠厚起  
家祖諱明達父諱秀皆隱居不仕至先生始以子汝源官贈文林郎兄弟三  
人伯早夭仲與先生皆庶出先生生數歲旋失怙居父喪哀毀如成人其天  
性然也幼穎悟喜讀書少長與仲氏析爨居操家務遂廢學性謹默處宗族  
間恂恂如不能言與人和易無忤容尤樂近老成人雖久不忘恭敬家故不  
中貲衣食粗給仰事俯畜外無他務不營營於世不戚戚於懷胸次間泊如  
也然爲人慷慨樂周卹急患難仲足某素樸懦爲豪家構訟不得直幾至輕  
生親屬坐視無援手先生慨然曰患難不相卹安用兄弟爲遂挺身赴之負

重累分肩其事事得解時年才弱冠云又有中表申某者夫婦老且貧不自存活先生迎至家除舍舍之解衣推食歷十餘寒暑不間疾革時猶諄諄命汝源善視毋忽方汝源舉於鄉翁夫婦已八十餘歸拜翁翁喜曰吾及見善人之有後也吾滋信報施之不爽也越一年相繼卒汝源遵遺命禮葬之嗚呼世風日下古處不敦兄弟析產分田廬斷斷然莫有少讓或訟累多年不得休家費蕩盡而猶不悟者蓋不勝俸指矣誰能推己所有以濟弟昆并調及貧乏親戚哉若先生者可謂難歟庶幾聞先生之風鄙夫寬薄夫敦而有俾於人心風俗不少也吾聞厚德必報而遲速有時先生之存心厚宜其歷久必昌嗣人是福歟先生既廢學嘗自追恨每誠汝源曰若輩好讀書吾欲讀晚矣臨易簣家人環榻泣先生忽張目視汝源曰勿廢學汝源泣受命不敢忘故卒以科第顯成先生之志也距先生卒年三十六歲葬於仁壽橋南

## 灌志文徵

### 卷四

### 碑誌下

二十

卽居宅之左娶陳氏生一子辛苦撫遺孤至成名卽汝源也癸卯科孝廉大挑一等揀用河工知縣籤分東河孫四長陞達次陞瀛次陞衢次陞階能守其業銘曰青城之陽金馬之鄉篤生碩德俾熾而昌不昌其齡不昌其身匪天道冥冥曰相其後人旣茂其根方振其葩書發其華遞萌其芽積厚流遠理則可知滔滔岷江長無盡時

### 例贈修職郎唐公山橋墓誌銘

傅毓秀

公諱籍陶字慎修山橋其號也世居灌之蒲陽自祖父時家己裕邑中稱素封者必曰唐氏富而好禮有古風焉公少承庭訓嗜學不倦補崇寧縣學附生秋闈屢薦不售數也顧人之信公與公之可傳不在是生平務節儉崇樸素重然諾喜施與教其子弟常引禍福相倚伏之說謂人生於世能守先業幸耳可以富厚驕人耶故其遇人急難必委曲盡心如已事嗟夫世之衰也

士大夫既不能行其德而席豐者又皆富以長傲彼於親黨鄉鄰之困傲漠不關心一有乞假則謝曰力不能否則口惠而實不至其視公之爲人賢不肖何如也晚年邑多公務公以質實見信於有司川督裕獎以勤勞聿著額縣令亦亟稱之要不能離積善行仁者近是至敦厚宗族公之分也不具書公有子六女一孫十三同治甲子夏將刻石以閔諸幽予素知公因不辭而銘之銘曰富鮮由禮貴易驕人惟公懋德在鄉恂恂轍胡弗涸濟困憐貧匪以市惠出自天真仁乃收族洽比其鄰於焉不朽壽之貞珉

誥封朝儀大夫彭君墓誌銘

樊增祥

光緒二十二年丙申九月十四日鄆江彭君卒於里第越二年戊戌夏葬於灌西青雲營又十年戊申其子錫疇以官入覲齋狀踵余門請銘以閔諸幽余與君同官秦省二十有餘年文字論交意氣最浹每歲清寒結社詩酒流

## 灌志文徵

### 卷四

### 碑誌下

二十一

連知君之深宜莫予若其奚以辭君諱洵字古香系出湖廣麻城先世由楚入蜀寄居青神縣之羅壩子始祖大年公雅好山水遷於灌之鄆江宣家渡側家焉世肄詩書祖正明河南候選巡檢以族兄肇洙巡按河南回避不出考曙昌太學生兩世封贈如君官祖妣曾妣靳皆贈宜人君甫十八補博士弟子旋食餼書法文名噪甚咸豐間藍逆犯川西所過蹂躪君率團抗禦所全數州縣制府崇公奏保訓導庚午補行壬戌制科邑宰晁公耀南以孝廉方正舉君於朝適南北軍務尙未肅清議停朝考觀察黃公彝封聘佐戎幕西寧將軍金和溥見而器之以籌畫邊防出身保陞知縣甲戌秋川督吳勤惠公聞君還蜀聘襄筆札克太平場山匪保獎花翎直隸州知州補用委署合江縣教諭旋以知縣分發陝西候補君賦性剛直耿介自持不事干謁大府廉其才委署麟遊三水蒲城商南等縣君在蒲時有富民犯重案例應留

養案已如例擬定罪者不知以數千金求贖公怒懲逐家丁持例書堂訊囚者曰汝罪例不死何糊塗乃爾斥責之囚者俯首泣謝蒲人至今猶稱道不衰君爲人高雅頗好金石公餘輒飲酒賦詩著述自樂區區榮利非所志也癸巳春由商山請假歸里去之日囊無餘蓄書帖數篋而已君著有麟游志草彙軍紀略灌記初稿青城山記沁香館詩鈔泥痕集罪玉草征車吟金石唾餘種書堂文集集古楹聯束身錄論語析疑以光緒丙申年九月十四日卒距生於道光丙戌年二月初二日享年七十有一子六長九思次祖庚次錫光邑廩生次錫疇丁酉科選拔官陝西知縣次錫樞候補州吏目次錫麟候補巡檢孫六世衍熙文熙昉世瓘世琳世銘曾孫三紹聞崇善崇哲銘曰猗歟先生名聞自蜀學粹品端不可方物能文工書其腴在骨詞希楊馬理尋濂洛隴月秦雲召杜相續迺灌水靈澄澈蒼鬱是岷山精上應井絡

## 灌志文徵

### 卷四

### 碑誌下

二十二

#### 張公墓碑

胡思劬

丙午之秋七月既望清河張氏以其七世祖創業艱難恐歷久而忘其始末將碣其墓也爰以宗譜示予請爲誌按譜公諱成乾其先楚麻城人始祖近嶺公于明洪武間從軍征滇有功凱旋授千總留守黎州遂家焉六傳至奇志妣魏氏生二子長即公也公生而穎異有志略清初獻賊之亂遣將分道四略公偵之賊將至集黎州七姓軍業子弟與宣慰馬京千戶李華宇等合兵進據相嶺大破賊於雅之龍川山斬其僞帥賊遁走公探賊有復來意乃謀遷避與妣藍氏自黎至灌之崇義鄉卜築官道南側即今籬葉林也時兵燹之餘地皆榛梗公披荆奠宅鑿流漑田晝課耕夜課讀寒暑不倦嘗云爲人不可不孝弟居家不可不勤儉每於家人婦子諄諄訓諭有問公討賊事略者置不答再詰之則以他人勛業對其不伐如此嗚呼難矣公生平行事

不能悉述而譜所載僅此伊可傳也公生於明萬曆己亥年二月二十一日卒于康熙丙辰年三月十一日妣藍氏生於明萬曆丙午年卒於康熙己亥年二月二十二日先公二十五年卒俱葬籛葉林南阡爲之銘曰維公智略豺狼畏威裕有經濟手創門楣克勤克儉垂裕後昆爾昌爾熾有若朝曦岷江峨峨江水湯湯佳城以固世澤延長

關堡阡墓表

羅世勳

曾祖考姓羅氏諱文炳籍灌縣雍正十二年甲寅九月二十三日生嘉慶十年乙丑閏六月二十五日卒踰年丙寅十月初十日葬茂州小東路靜州里關子堡兆域多曠地焉嗟夫灌與茂之相去三百餘里耳今與昔之相後一百餘年耳前人卜穴志妥先靈數傳而後子孫不踐其地者恆十八九自是以往猶有能識墟墓者乎蓋亦僅矣勳爲此懼用節烝嘗餘蓄鐫勒貞珉俾

灌志文徵

卷四

碑誌下

二十三

來者免於望祭氣幾覩豐碑察本源追遠之誠將於是乎在也銘曰溯岷江隨禹跡靈在山間庶結繫佳城是可宅永孝思建隆碣歲閱萬千視此石

柳塘阡墓表

羅世勳

曾祖妣羅母趙太孺人乾隆二年丁巳正月二十七日生乾隆五十八年癸丑七月二十日卒越二年乙卯十二月十三日葬茂州紹東關楊柳塘羅圈灣墓越廖廓先於曾祖之葬蓋十二年矣當是時祖父慧光府君與伯祖襄糧跋涉覓地數百里外不敢言勞遷流至今子孫謁墓視爲行役有終身弗屆者抑何今昔懸殊也况事變多端即欲求如今日之歲一展拜又何可必乎勳恐來者之久而遂忘爰節上塚餘資就灌鐫石負以西邁與曾祖考墓同時樹表焉嗚呼霜露慟懷其亦念及前人創造之艱難而相與繼述於勿替歟銘曰昆侖支分江源所導水駛東瀾山敞西嶠鬱鬱葱葱吉卜幽奧歷

百餘年德輝有耀表以豐碑幸哉知孝長此終古爲反本報

灌縣羅君墓誌銘

林思進

君諱世勳字烈堂灌縣羅氏其先蓋江西人由楚入蜀隸籍南部明清間有諱承宣者謀避地不果子曰仕奇始遷灌縣之羅家橋君七世祖也曾祖諱文炳祖諱智章並以隱德著稱鄉里父諱鳳藻渠縣訓導初娶茹太孺人生子世祥世彬世昭繼娶蕭太孺人君所自出也賦質岐嶷幼從諸兄讀常過程其後從學官舍中訓導君則更爲擇名師教之學以日進每賓朋晏集隅坐獻藝未嘗不稱善試補縣學附生訓導君慰甚既老請歸中途遘疾君與諸兄侍奉竭志及卒營葬一衷於禮築室墓側教授有年而值蕭太孺人之戚時已析居獨盡力窀穸不屑屑計也嗣以食指繁家寢落乃出館崇寧成都間而君長子駿聲以光緒二十八年舉於鄉次子鴻聲亦彬彬有緒業方

灌志文徵

卷四

碑誌下

二十四

自幸得以佚老娛林下屬辛亥改玉滄桑反覆灌雖僻左顧兵爭居宅燼於火君盡然傷之今歲駿聲兄弟更謀築室以怡親自堂室戶隔厨溷廁踰高卑廣狹悉承規畫將落成矣君適病舛於醫遂大漸不及入新居以卒民國八年己未三月十九日也君性孝友推之宗族鄉黨無毫髮不盡其誠接人以和然遇豪猾武斷必據理析之使不取私撓故人益以此悅服晚年與鄉人設恆善會謂善俗必自近者始蓋以周急也君既歿惋歎哀思者交衢巷抑亦可謂君子人者與君生於道光二十三年九月二十二日享年七十有七娶唐孺人子二駿聲清揀選知縣鴻聲法政畢業陸軍書記官女四適焦必銓游道祥曾體誠茹德玉孫二正德駿聲出正衡鴻聲出女孫三有遺橐若干卷藏於家翌年庚申正月十五日卜葬宅南先墓之域從素志也駿聲書來請銘予曩主成都府學校延駿聲爲講授文字師識其人誠篤士也其



言稱親必信乃次所述而綴以銘曰從耶容耶秩秩者躬耶義方顯著爲世宗耶國憂室毀考新宮耶命也如何神明恫耶首邱依此南匪東耶青青玉壘環岷江耶鑽石蕕幽告無窮耶

劉公肯齋墓誌

劉炳琦

公諱肇基字肯齋姓劉氏琦從伯父也原籍江西吉安府吉水縣明時先祖以舉人官綿竹令寓成都數傳至繼善公國初遷灌南陳邨生成章章生銓銓生經邦經邦有子四次明倫僅生公幼入家塾聘師禮極優弱冠遊庠旋食餼以恩貢註銓教諭藍寇起公盡力團務奏保五品銜先考嘗從公學公爲人言笑不苟配孺人葉氏有子六長吉元次楷元均國學生早卒餘業耕女三長適諸生楊士俊次適高三適胡易簪時手書家範遺子孫崇樸黜華言皆藥石吉元撰綱鑑摘要八卷不墜公緒昔衛荆善居室公足方之矣諸

灌志文徵

卷四

碑誌下

二十五

子遵治命葬公宅前孺人附葬祖塋之域

故明經魏公璧橋先生墓誌銘

游觀

先生灌人姓魏氏諱光廷字璧橋生於乾隆癸丑卒於同治乙丑壽七十三歲友教四十餘年生徒多騰達者而先生僅以明經終其命也爲人良善足以訓世歿而無子豈天道哉覲從學數年而先生逝斂憑棺窆臨穴葬勳事焉厥後出館四方不獲展先生之墓入庠而往祭幾不知所在矣噫自葬迄今未二十年風景已殊若再更數十百年又誰能辨乎因碣而銘之庶後人得知先生之爲人永愛惜而不聽其澌滅也銘曰維我先生永此壽藏一杯之土毋毀毋傷迤以悠哉同體山岡

陳公墓誌銘

錢毓岷

青城之北大江之西靈秀所鍾特產人傑如陳公是矣公諱儒珍字了齋一

字玉山父曰策新有子六人公爲季氏初生頗異羣兒欲棄不果長補博士弟子員鄉試屢薦不售設教鄉閭遊其門者多騰達年五十八以增生終子卽輔廷先生諱炳魁同治甲子舉人授眉州學正女四孫一曾孫六玄孫三始岷初冠以應書院月課拜輔廷先生於岷江講席親承教誨見其慷慨有大節與人談忠孝事手舞足蹈若將見諸施行者其爲文理實氣空直窺堂奧然後知先生之學得力於庭訓者多而了齋公實學於岷外曾祖宋公靈巖淵源洵有自也了齋公見有學道能文者必令其子就正之賓客往來酬酢偶缺於用孺人盧氏恆以女紅所積助焉而束脩必歸家督未嘗據以自私嗚呼今人溺愛不明失於教訓其子弟率多驕氣入於比匪而不知且父母尙在擅積私財兄弟同居錙銖較盡馴致一家之中因忌成讎在平民不足責儼然爲士而猶若此聞了齋公之風寧不愧乎盧孺人後公二十餘年

## 灌志文徵

### 卷四

### 碑誌下

二十六

卒合葬普陀寺側岷生也晚僅得於私淑之下誌其懿行爲之銘曰鬱鬱佳城是爲公室足以啓後而昌榮

### 羅輔臣先生墓誌銘

周鳳翔

余友灌縣馬君繼華爲輔臣羅先生入室弟子余因馬君知先生今年春馬君來書曰先生死矣方易箒時召其子暨繼華曰我病將不起自念生平術業不後時輩友教三十餘年造就多雅材無過失然僅以明經終命也復何尤我死他勿慮爲我丐能文者作一行狀一墓誌銘足矣嗚呼羊叔子之語從事鄒湛何昌寓之與司空褚彥回書賢者好名抑其中有磅礴鬱積而不能自己者豈不悲哉先生諱錦裳字輔臣原名映詳登貴公長子登貴公早孤家酷貧逐傭保之利以俟先生學母孺人張胼十指供修脯先生能曲體親志又性聰穎年十一學爲文一篇出名宿皆驚賞弱冠後補博士員屢薦

於鄉不售顧聲譽隆起當道巨公皆走幣以聘邵弗就館於西河之上與門人討論經史圖籍振卹寒賸俸卒業前後弟子錄牒者迨二千人其稱都講者亦二百餘人先生少游錦江爲李西樞先生所刮目教人一以西樞爲宗體用兼備藍逆之亂邑侯英少和延督團練辛酉六月賊擾玉堂場一帶英侯恐其渡河而東命撤沿河船纜民驚賊至爭先渡擠墜水中沒頸如浮瓜婦女褰涉濡裙袴攀其肱指可掬也某手刀斷一纜船流湍駛哭聲動天地先生止之留纜濟全活無算賊亦終未渡河先是大府飛檄各屬許難民自賊中出者給以路票先生置榜通衢逃亡鬻至創者裹之餓者食之道遠孱弱泣留不去者挈歸治裝遣之嗟乎亂離之秋殺人如草芥有童子張姓其家兩代皆孀守幾爲得者所害先生拯之乃免而此子後遂成名此所謂隱德歟先生卒於光緒甲午年正月丙申距生於道光乙丑年十二月丁亥春

## 灌志文徵

### 卷四

### 碑誌下

二十七

秋六十有六所著養元堂詩文若干卷綱鑑法戒錄若干卷教學傳心法若干卷德配馬氏繼配杜氏子四長啟文庠生次光縉三光續四光綽三四皆早卒三婦王青年矢志女三孫二孫女四以某年某月葬於某山之陽銘曰岷山之巔江濫觴焉網絡羣流而匯大川先生岷興靈源孕也發藻儒林亦文章之巨浸也子雲一亭環聚德星魚龍趨壑羔雁充庭惟禮義干櫓作舟楫賴汝出民水火其風近古噫所遇嗇所報豐雖不于其躬而名翁翁吾爲之銘請卓筆於青城之峯

清誥授通議大夫張公暉陽墓誌銘

王澤膏

吾灌宦遊者多矣從未有末秩起家名登郡伯如我張公者公諱暉陽字寅賓號春谷先世由福建汀州遷江西贛州乾嘉間有諱仕伯者由贛遷蜀之繇竹三傳至文林公始遷灌遂家焉是爲公會祖妣氏文祖翰清妣氏謝考

凝儒公暨胞弟暉春前妣曾氏出暉昇繼妣高氏出自曾祖而下以公貴皆贈通議大夫妣皆贈淑人咸豐初越雋苗叛公方冠入參戎幕事平保從九同治戊辰選陝西漢中照磨改補延安照磨委代保安延長等知縣癸酉捐升同知因城防出力賞知府銜光緒丁丑引見籤分甘肅壬午委署安定知縣公息訟甯民撫恤朮摯乙酉奏補西甯丹噶耳同知以試用人員補極邊要缺誠異數也庚寅丁繼母艱開缺回藉丹民泣送至郡服除赴引仍以原官發甘乙未二月委署西甯貴德同知貴爲巖疆重地番回雜處素稱難治公到任旬餘撤回爭教叛亂蔓及河湟貴德阻山界河孤懸邊外廳屬聞變驚竄公親巡莊保土首先登陴誓死守民稍定八月偵知屬回韓文秀等陰結甯回屠城以應公選丁壯出援乘夜渡河甫數里返攻康楊兩屯擒渠殲脅賊計阻冬月河冰將合民心洶懼公齋戒禱於河夜大風黎明冰解水高

## 灌志文徵

卷四

碑誌下

二十八

數尺衆驚爲神守愈固明年春援師至圍始解論功賞花翎加三品銜擢升知府癸亥委守慶陽瓜代回省因年逾致仕辭歸未允甲辰委擢平涼整理釐務閱五月遂歿差次公賦性肫誠通達政體與同官商可否未嘗矯異一未嘗苟隨恆兢兢以不克稱職爲懼故所至卓有政聲德配樊淑人生四子長家驥崇邑增生歷保陝西知縣庚子兩宮西巡派充內庭供給總管積勞奏署商州直隸知州次璜邑庠生甘肅知縣次琬邑庠生候選主簿先公歿次家驥從九女四但適名門孫六曾孫二公生於道光辛卯十一月初七午時歿于光緒乙巳正月十七日亥時春秋七十有五是年冬柩旋里越明年某月某日將卜葬於某山某向徵澤膏誌石膏於璜琬兩君同學淇恩等又列門牆通家累世義不敢辭謹撰斯銘銘曰  
卓哉我公人之傑垂裕後昆光昭前烈服官秦隴屢撫巖巒祭河冰解上

格穹蒼權守慶陽論功升擢差次平涼甘肅總權有爲有守不激不隨輿情  
愛戴祝公期頤庭畔懸魚峯頭控鶴積懋循良神歸廣莫滿車甘雨兩袖清  
風貞珉表德隧此幽宮

贈知府銜大挑河工知縣何左泉先生墓碑

徐 昱

光緒乙未冬同學諸子謂左泉先生之沒於茲三十有六年矣墓碑未立恐  
聲聞漸就湮滅屬愚爲文泐之石昱從學先生久其曷敢辭先生姓何氏諱  
汝源號左泉灌縣金村人幼失怙母攜先生遷城內親授之讀弱冠舉道光  
癸卯鄉試大挑何工知縣未一年乞養親就聘岷江書院成就多知名士咸  
豐末滇匪竄蜀時承平久人不知兵川東南北遍地皆賊居民紛紛逃竄先  
生結團據險謀有以抗之如范長生之保障青城者制府曾公知先生機警  
檄練鄉兵庚申六月藍逆由元通場西逼灌境官兵屢失利先生橫流禦之

## 灌志文徵

卷四

碑誌下

二十九

賊走丹稜制府以先生捍禦有功保加同知銜既而賊燄益張九月既望由  
三江口宵渡涉入灌境先生督鄉兵戰於大石橋自辰至午殺賊甚衆賊倏  
分股抄其後援絕潰奔鄉兵陣亡數百人先是邑令與先生約先生郊禦賊  
則某爲繼賊若猝圍城則先生來援太平橋火其候也蜀州縣城破者數十  
至是仇於賊氛遂火城東橋樓阻賊攻城路是夜光燭天先生不知賊未及  
城退守湧山寺計再赴援而鄉兵敗散不可復聚從先生者祇親舊數人皆  
不能戰及旦賊遊騎至又各逃去先生貌魁梧賊見而忌之獨縛先生脅降  
先生大罵賊渠怒戕先生拔其舌而卒年四十一時咸豐十年九月二十日  
也事聞贈知府以雲騎尉世襲子升樑陰從祀省城昭忠祠自先生沒後吾  
灌疊罹賊鋒又三年駱文忠公督師撫蜀而賊始平吾蜀之不沒於賊屢矣  
故追論者咸憾先生之早沒也雖然忠孝節義至先生而備彼日星河嶽巨

古今而不朽者伊何人歟

眉州直隸州學正陳輔廷先生神道碑銘

王昌麟

同治中興之役論者推曾胡路左諸公如山岳如日星謂其有拯民水火之功也當是時賊氛徧天下其凶鋒所及抗而折之以保衛鄉里使不被其蹂躪者皆有二三偉人君子左提右挈於其際特其功在鄉邑不若諸公之績彪炳於國史然其仁心義氣之所激曷嘗有異哉吾鄉陳輔廷先生其一也方事之殷河以東則有何左泉孝廉汝源總鄉兵以擊賊戰沒喪歸焚香隕涕以迎者徧於城野河以西則有高城南進士溥總鄉兵雖然高公老矣邑自石羊以下多與賊壘毗連其徵調戰守之略實先生與先君子分肩其任使賊不得進咋尺寸蓋皆挾刃露宿與鄉兵共甘苦者十餘晝夜他儒者莫能爲也先生旋以甲子科領鄉薦兩赴春闈不第歸而主講岷江書院者十

灌志文徵

卷四

碑誌下

三十一

有餘年先生性方嚴務擔荷其弟子亦敢任事羞貪怯先生文必已出而澤於古其弟子亦恥剽竊賤虛機凡邑中有大舉措邑侯必就先生商所任亦以門下之多材賢也歲在丙寅先生倡修孔廟費僅數萬金而壯麗爲一郡冠邑當江水之衝受災劇烈先生建議籲大府立水當用民工築堤自新渡口至蘇家橋繇亘數十里瀕江田宅由是獲安當是時邑多賢令倚先生名德以爲治先生隨事敷陳贊其利民之爲而祛桑梓之害者甚衆茲舉其卓犖在人耳目者後以選爲眉州學正其獎掖寒畯修舉廢墜孜孜如居灌時眉人至今樂道焉麟嘗侍先生飲成都市中時先生年已八十鬚髮盡白而視瞻甚偉目瞳子作菊花瓣有金光異而問之先生掀髯而笑曰相者謂余骨當仙然余聞仙人必有慧根余自顧乃鈍甚方流賊之盤踞元通場也懇侵縣境余偕尊公求援於湘軍適以餉乏爲辭尊公問所需慨諾之并爲立

軍令狀以去余目之肘之而不余顧也既而謂余曰兵若不至此許之物皆賊物也何愛焉且兵至賊遁不出一旬何憂不繼已而果然予又以知予之果鈍也言已大笑一座皆驚迄今距先生之下世又十餘年矣而其精神意氣之矍鑠而高邁者猶日往來於心目間而不能去也先生諱炳魁原名俊彥字斗南輔廷其號也上世居雅安大石阿明末始遷灌族遂繁考曰儒珍字玉山號了齋邑增生以學行教授鄉里至先生及門尤衆焉有朱君谷暘者其齒已近與麟見先生時埒博學能詩尤酷嗜古文辭家距縣四十餘里徒步詣麟者凡八次力請導揚其師之潛德而鏤諸石以勵後人麟至京師歸不復屬意於文五年矣恐無以稱先生之德故諾而不敢爲家人憐其老而重其誠也日守以請不獲已乃爲銘曰在咸同際羣盜狂獬巖巖蜀疆藍攫李噬民不相治官轉畏賊不有君子其何能國何既捐軀高惟坐鎮偉矣

## 灌志文徵

### 卷四

### 碑誌下

三十一

先生專忠布信奮臂一倡千夫爰集誰謂平原崇墉屹立寇不敢逼亦不遽行拒燒抗掠百計支撐東鄰有兵忍不我揀往饋萬鍾丐其一鬪兵乃至矣寇敗而逃小大稽首惟先生勞投戈講藝爰晏鹿鳴宏開講席啓迪後生乃修孔廟金鋪玉甍乃築石堤水當雲起興養立教偃武修文公侯之事先生以勤皓首秉鐸往莅眉州匪直教士百廢具修碩德長才投無不可八秩一氈厥施奚果噫嘻山野固多利器豈曰懷寶疇薦而試閱予小子見父之執爲楊先芬督其不及聞活千人有封子孫先生之德宜高其門公子惟一公孫則六驗後勒銘祭社來讀

### 翰林院編修周雅堂先生墓表

王昌麟

距崇甯縣北二十里蓮花山有墓焉曰翰林周先生墓歲有賢士大夫遠來奠祭率沿山訪翁嫗導引指示僅得其處問於牧童樵手則有搖首不知者

矣往往足躡荒山徘徊迷茫誤拜他墓以去仁壽賴君良輔蒞縣踰年政治人和微聞其事憮然曰名賢之墓所關於風化甚鉅而弗封弗樹樵蘇弗禁守土恥也乃伐石以揭於阡而囑昌麟撮其世行大略著之碑陰先生周姓諱盛典字雅堂成都灌縣人高祖尙仁富而好施邑乘有善人之稱曾祖鳳鳴祖伯順劬學能文以布衣終至考廷棟家綦貧於是邑人悵然於積善之無報徵久之先生始以學行科名顯聞於世先生幼有偉度翔異諸童年始十二四子五經講誦都畢學使按臨驚爲偉器獎以侑生旋取入學爲附生先生益淬於學歲科試文屢冠通庠升爲增生序補廩生二十六應拔萃科充咸豐辛酉拔貢生時寇亂道阻逮同治甲子赴京應廷試名列第一授吏部七品小京官就應順天鄉試中式北闈第七十名舉人榜發同日報至賀者顏其廳曰一日雙喜及光緒丙子會試先生復中式第十名進士賀者顏

## 灌志文徵

卷四

碑誌下

三十二

其堂曰鄉會雙魁以殿試二甲朝考一等改官翰林院庶吉士踰年散館授職編修時遇德宗登極覃恩先生前在吏部主事任加三級請貤贈其祖父皆中憲大夫妣皆太恭人於是邑之人歡然於積善之果有報也光緒二年先生告假回籍省親旋丁父憂鄉人延主岷江書院人慶得師朋來自遠咸都將復延主少城書院學侶追隨外舍爲滿蓋先生楷法似董香光試律似吳聖徵制藝風格與管韞山相頡頏經其指授無不蜚聲塲屋然先生特以應世之所須至其教人則以修身接物爲大端當代人材風俗之衰盛國家內政外交之得失與學子論之反覆詳盡尤足以開拓其胸襟而增長其智識合于古育才之法蓋先生官北京吏部十有餘載於朝章國典無弗習賢人君子之出入都下者無弗交其爲學純以致用爲歸宿翰墨雖精麗絕倫不屑以炫世而取譽也先生孝能養志爲叔置田待兩異母弟曲加顧復內



行肥擊人無間言嘗自言平生於人殆無藏怒宿怨邑有名宿嘗與先生角  
逐於拔萃之場不得則作爲小遊仙詩以刺譏當路幾被禍出游至京師先  
生聞其來駕而訪之載歸寓廬歡然若素如夙昔之相得感久別而乍逢也  
時蜀人官京朝者少先生遇鄉人恆有恩禮至於後進隨其才地曲折陶冶  
以成其名者尤衆歲入悉耗盡於賓客不足而稱貸人亦爭應之郡人有詭  
陝人費以入官者事發乞救先生爲招致其敵告之曰君訟則彼誠負矣雖  
然君亦擲黃金於虛牝耳使彼宦而贏請先以奉君吾爲若保任何如陝人  
素信仰先生訟以不成蓋先生視鄉人如一家逢難則拯之遇紛則解之不  
暇審其賢不肖而亦皆樂相其成而不忍其敗天性然也昌麟從先生游時  
甫成童於其嘉言懿行多不能省記此二事者偶聞人論議云云然亦足見  
先生襟度之闊廓矣先生去書院供職京邸甫年餘得末疾卒于乙酉孟冬

灌志文徵

卷四

碑誌下

三十二

距生于甲午仲春初十日得年五十有二元子慶綸自京持喪返里入峽覆  
舟全眷皆沒慶綸遇紅船救獨得免邑人聞之累歎又疑天之報施善人者  
何至又若是其僅也元配龐恭人前卒于京師繼室黃恭人因養病先返里  
故不及於難淑慎持其門戶頗著慈賢之聲後數年亦卒故慶綸持兩恭人  
棺與先生合窆於是山首乙趾辛宜也墓左則冢婦張氏焉武姬及諸姬諸  
孫之墓又在冢婦之左慶綸後以知縣候補甘肅客死返葬則在墓右百步  
繞某氏塋域而南俯臨谿徑渺不知葬者之用意也慶綸爲吏廉既沒而無  
餘貲竟以無後人益疑天之報施善人有時而或爽矣予乃爲銘以解之銘  
曰望報者多作天亦苦大略通觀天心可覩先生初誕乘雲降祥及官于京  
人稱孟嘗薰然慈仁毅然彊義譽翔四方氣蓋一世翳古人豪繫國輕重天  
息先生不竟其用庸庸所羨富壽子孫自天睨之浮漚吐吞先生制行不可

泯沒鳳德龍文佛心仙骨鄙薄寬敦拘柔達果奚必委蛻乃慕思我茂宰勒石永詔後人千俊萬傑慨想音塵

汪公清奇墓誌銘

王昌麟

汪於黔爲著姓其旁縣如欸如婺源如祁門皆有其族分居焉憶予修業成均時有黔縣孝廉犀園汪君名奎者以博學多能先予一年承特旨留學讀書與予相得懽甚以故悉其家世自隋唐間有名華者以隱德居黔至今千有餘年其族近萬家慧則士樸則農號爲清門無雜流也庚子犀園以召試出知汝陽予以觀變歸里主講岷江書院有汪君鏡塘者持其先人清奇之行狀世譜來乞銘按狀灌之汪氏原籍江南徽州府黟縣先世由吳遷楚由楚遷蜀其入川之始祖曰晉錫偕妣氏劉來居於雅安縣羅純水東鄉汪家坪生三子繼達繼選繼道繼道娶於周生敦忠字承虞敦忠生文化卒葬羅

灌志文徵

卷四

碑誌下

三十四

純地文化生元澤娶於晉由羅純遷灌之河西羊馬鎮地有古柏枯而不僵路人以標其地曰乾柏樹宅邊有板橋今以其子孫蕃衍里人名曰汪家橋焉元澤生四子宗容宗海宗位宗洪宗洪娶於沈生二子奇芳校芳校芳娶於周生六子舉陞宰相龍臣以朝爲系朝臣娶於何繼娶於古生四子清奇清喜清宦清源清宦早沒無嗣清奇公於兄弟行居長賦性剛直言笑不苟娶同里徐公連富之女有淑德懿操佐公居積置產百餘畝公壽七十六歲生於嘉慶丙寅年七月十六日卒於光緒辛巳年七月十六日妣壽七十有七歲生於嘉慶癸亥年十二月初三日卒於光緒己卯年十二月初三日其告終之月日卽其誕降之月日而又夫婦同之斯亦異矣公之言曰凡人當以耕讀爲業以忠厚爲本以勤儉爲用以是教子亦以是誠其鄉人其辭約其義精殆汪氏之言歟何與吾聞於黔汪生者若合符節也銘曰汪華之裔

黔多達人出則國士處則王民爰有別子來居渝岷蕃衍八代閱三百春不墜家訓理故彌新敬播清芬樹此瑣珉

先考王府君墓表

王昌麟

府君王氏諱圖書字小南派名履魁重光公第七子也生有異稟過目成誦閩里咸欽異之年十六以縣府前茅院試第一入縣學爲生員名譽大噪爲文力追天崇老宿斂手自歎弗如書用歐法詩工陣體見者咸以玉堂中人目之顧府君天賦俠骨好持清議遇人冤負慨若在己銳身犯難必雪乃已道光末葉吏多貪酷不便府君所爲因事羅織革其衣頂將重錮之獄久乃解府君於是感憤去游蓉垣屏棄帖括務爲有用之學凡天文地圖兵謀壬遁風角靡不研習得其精微中江雷尙書正綰時爲小校獨敬異府君投贄從游府君亦奇賞之後雷以欽差大臣督辦秦隴軍務遣弁來迎府君以母

灌志文徵

卷四 碑誌下

三十五

老固辭不往也蜀有藍李之亂邑宰夙仰府君召歸倚辦團練府君以義關桑梓毅然自任誓不使盜得犯吾境自練鄉兵與共甘苦調和客軍饋運不缺鄉人感其公誠咸相翊助雖屢卻劇寇自陳不願保獎邑宰將以五品藍翎保授之府君笑曰復我衣冠足矣特保非所敢承也人傳府君詩句云百戰功勞飄背挂一生辛苦草鞋知蓋以自調笑云爾昌麟生六齡而孤於府君行誼弗能詳然城中父老喜談府君應變之略甚悉蓋咸豐辛酉八月十八日也藍賊自什邡李家碾出四隊趨百里掩襲灌城時邑宰辛公甫蒞任警聞急延前宰英公問方略英公以府君對府君方午食投箸應召至則建議麾城衆分段登陴礮石灰包之屬皆夙備每門請官一員主督之檄調城外鄉團西紮靈岩山半東扼沿河諸橋伏火器以伺之令曰不見賊而妄施礮驚衆者有誅賊過其地畏避不擊與通賊同已乃偕新宰出督衛勇柵斷

行人挨戶搜間諜可疑者收禁之賊至駕虹橋礮中其前鋒一人落馬愕不敢進遙望山半列炬與城頭燈火相輝互如金蛇知有備折而返其別股出蒲村塲者亦中礮遁城幸獲全論者謂是役也微府君在城布置周密內自潰擾賊且乘勢薄城矣後昌麟以戊子領鄉薦歸父老以花紅迎謂曰尊府君之才德盛矣而不克顯羣知其後之必大也子其勉之府君生於嘉慶某年庚辰某月某日卒於同治六年戊辰二月二十八日享壽五十有九初葬於宣家碾祖塋之北偏以其地弗避風水乃改葬於周家碾重光公墓東厝焉元妣楊宜人端默有儀不驕不妒生長兄正朝慈撫諸子女皆如已出享壽八十有四附葬於府君墓右皆用辛山乙向宜也昌麟以舉人考入成均時管學大臣翁同龢徐郟及祭酒司業諸先生咸見器異連銜奏留已奉特旨留試召矣已而感變假歸無意仕進部章以曾與大挑二等選授銅梁縣

## 灌志文徵

卷四

碑誌下

三十六

訓導前後三遇覃恩加級宣統初元累贈府君爲奉直大夫元妣楊氏生妣張氏皆贈宜人時昌麟由銅梁任調充省學教員兼法校監督自維才略不逮先人遠甚不克大有爲於時以顯其親於天下既遭國變解職退歸謹綴所聞勒石墓上以待邑乘采擇采

徐公寶吾墓誌銘

王昌麟

昔鄭康成賦閑歸里無折衝禦侮之強無城郭兵車之衛乃黃巾一過遙拜弗遑德之感人深哉果何道以臻此今觀大使徐公寶吾逸事則亦無多讓焉當咸同間粵寇滇寇迭入蜀公兩與賊遇賊皆揖而去之謂古今人不相及豈定論哉公名貴然榜名昶寶吾其字也母杜孺人沒時公方數齡顏色之戚哭泣之哀感乎行路父文煥公令其節哀亦唯唯聽從故爲父母所鍾愛繼母王孺人撫之逾已出公先意承志務博二人歡及二老衰年便溺亦

必親理以爲舅弟妹妹父母所親愛也不加親愛則違父母宗族親鄰父母所敬重也不加敬重則違父母禮云一舉足不敢違父母一出言不敢違父母無在不以爲警惕或當橫逆之來則曰人必自侮然後人侮之自反不暇何暇尤人愚夫愚婦胥聞風而感化公幼承訓經史罔不淹通乃數奇不偶年逾已壯始遵父命援例就大使職非其志也卒年七十有八遠近聞之歌罷春停奔走號咷不可勝計至今道及之猶有泣下者則所以感動劇賊之故不又可恍然悟哉以光緒丙子年八月下浣日葬於祖塋甲山庚向銘曰受于天兮獨異稟于性兮志純事二人兮無忝依膝下兮肫肫惜干旌兮不逮終抱璞而守貞即流賊兮可感何有遜乎東漢之賢人

附貢生徐公文煥墓誌銘

王昌麟

昔唐虞三代職任股肱者皆數百年保天之祿意良厚矣前代大將軍太傅

灌志文徵

卷四

碑誌下

三十七

中山王徐達公出將入相開明朝三百年之基敍功第一不惟十世宥之卽百世亦宜宥之乃因靖難之舉轉使其子輝祖幽囚以沒何其薄哉然明德之後必有達人則凡鬱積於前莫不發皇於後此理固莫之或易也邑附貢生徐公名柄字成章榜名文煥孝友睦淵任卹六行渾全膾炙人口至今不衰尤異人者弟標早沒遺息數齡撫如己出克大成器嘗慨然曰范文正公云不爲良相當作良醫岐黃亦經濟所見端也經史餘暇兼研靈樞素問諸書且病市賈多欺夾帶參苓自購上品有求卽與概不受值感生死骨肉恩者指不勝屈凡有義舉卽出貲財爲鄉鄰先德配杜孺人繼配王孺人皆名門女也公之爲善終身如一兩孺人均有力焉公之先人添福爲中山王幼子避難松潘自資治公始遷崇慶之老君渡越七世至化林公生歲貢生伸仲公生歲貢生純修茂才潛修孝廉大挑知縣振修季日行修弱冠移居爲

灌茂才子三孫七并列文武兩庠長茂才之祥公卽公父也公素承家學屢冠童子軍識者均以遠到相期許乃壯年始博一衿十上鄉闈卒不得售雖援例入貢終不叨朝廷一命之榮豈中山王之後尙有未可昌者與抑必遲之又久而始克大昌與非此其身在其子孫周內史其先言之矣杜孺人早逝所出丈夫子二孫三王孺人與公年均八十有餘歲生女一贅女一以咸豐乙卯歲合葬於上三岔右側銘曰自善兮其身世濟兮其美未建兮功名可徵兮桑梓發潛德之幽光兮天平猶有俟公侯之子孫兮必復其始

朱壽母墓誌銘

王昌麟

朱壽母劉氏父曰永春善治圃以爲生娶於某生子女各一子曰光漢女卽壽母也母生而敦厚抱甕荷鋤習爲勤儉性若天成年十七來歸朱氏夫曰某家貧與人合賃負布于崇慶販于灌城往來數百里間歲無停趾母經紀

灌志文徵

卷四

碑誌下

三十八

其家條理秩如分息置田百畝凡生三子而夫沒得年五十有六時壽母年僅五十有一也長子國柱繼理父業頗善交易顧好葉子戲母挈仲子往覓之歸罰使長跪出危語悚切之涕泗交頤下國柱汗浹背不敢置辯由是改行一意營業母使仲子國才農隙從師受書通古誼能文章季子國棟材敏不逮兩兄則使習染業佐長兄爲布賈凡三子所爲一受命於母諸媳及孫率訓無違門以內雍肅成風由是置田幾千畝居于羊叉壩爲首戶田廬相望林木鬱然宛若素封焉母性篤孝敬自傷嫁不逮事舅姑自其家稍能具甘旨卽迎母養於家躬視膳寢者三十餘年逮壽終葬祭如禮不以有弟自委也光漢貧而不儉漸染時好每來稱貸壽母恆詰之反復訓誨始稍周以米粟而去其不爲姑息之私也又如此諸子布素修謹蔚爲鄉望鄰里忿爭赴訴求平壽母往往扶杖出廳開譬慰遣徐勸兩讓門訟用稀春秋佳節賓

客升堂壽母躬視饘爨必豐必潔待遇佃戶皆有恩禮語人如恐傷教人必使可從鄉里親姻交譽盛德居恆傳味其言以爲重古所謂有林下風者壽母庶幾近之矣沒于宣統壬子年某月某日享壽八十有五葬于所居廬南百八十餘步辛山乙向水出巽方太平寺在其水口天然佳城也時有孫三人長孫鼎元從予游來乞銘銘曰首枕西山趾向東沙如犁合水如弓是爲壽母之幽宮其德可式孝可風以勤處約謙處豐年臻大耋五福隆古今萬變如轉蓬好是懿德人所同後有君子封其崇

王太淑人邱氏墓表銘

王昌麟

太淑人姓邱氏處士德揚公之長女也毓德清門幼嫻禮訓年二十歸于王卽贈武義都尉昌紆君字秉謙之元室也入門宜家遂襄內政承滌瀦之歡修賓友之教者凡九年而贈公歿遺女三子一長女後適陳倫次適劉廷春

灌志文徵

卷四

碑誌下

三十九

季適馬俊成時俱幼也遺孤丙清年方受硯瑩瑩子立逾十一年而舅澤海公姑易孺人又歿方藍李亂後盜掠未戢歲入稍豐覬覦亦衆太淑人內憂外患備禦于無形延師課子養正于蒙穉丙清頭角崢嶸英氣時露每捶楚鄰兒致人赴訴太淑人婉辭慰遣旣去則呼丙清令長跪反覆訓導聲與淚俱丙清悚切求改則薄施朴責令其知愧而已常曰教小兒須養其廉恥心抑其氣使循禮則言易入每見桀黠者稍長則脫去不顧斯教無所施矣又曰教幼孩須令心地光明以竊物爲深恥以誑語爲大戒此人品成敗關也

有微犯必嚴懲毋稍縱矣以故丙清磊落有氣概自言平生與人經手數十萬金纖毫不以白潤以是見知于上游由步馬卒擢至三品武官兢兢奉母教不敢墜失云時方中興人慕榮顯良家子弟不文則武或投入制營自効風會然也丙清初入行伍以材藝選充西院戈什哈北院巡捕官同班者多

純綺兒郎恆以酒食游戲相徵逐母慮或染其習量給以資不聽游佚是以丙清謹守值廬呼常在室布素修整碌碌自將當路貴人器異之拔補專城領哨千總兼管提督衛隊時丙清未有底缺蓋破格待之也母以丙清既受殊知居恆益勉以報稱丙清勤於緝捕屢獲巨盜潔已奉公號爲廉幹由是積功保至都司歷署阜營都司普安中軍守備光緒二十一年復代理普安營參將乃迎養母于黎城官署紅幢綠轎翎頂翼扶丙清乘馬前導呵殿塞途道旁觀者嘖嘖稱羨同城文武官眷聞參將有賢母結彩張筵爭相延致欽味闔言繡于鞶帨時值國慶推恩見任官褒其先詔晉封母爲太淑人一時羣情贊仰瞻望擬仙矣胡福不遐壽止周甲粵以光緒戊子年十月初四日亥時告終于官舍距生於道光庚寅年三月十二日酉時享年六十傾城士庶唁弔充衢帳頌楹謳榮哀孔備丙清自請罷任護喪歸葬於灌縣金馬

## 灌志文徵

### 卷四

### 碑誌下

### 四十

鄉寧遠橋先廬之側辛山乙向越二十五年昌麟以國變退居玉麓別墅丙清時來過從每感先都尉墓在玉堂塲南荒山之側母與別竈宜有表觀是用追刊慈訓乞爲序而銘之其辭曰清時服官褒及父母父祖不存榮養逮母母也善教廉恥爲主古選將才於是焉取參將邊疆會逢偃武輿服旂章若助彩舞追刻懿誥垂著儀矩

### 余薌庭先生墓志銘

王昌麟

昔先王教士不教民誠以民風之純駁隨士習爲轉移者也一鄉之中得一二賢士以爲之師薰其德而善良者衆矣其中村亦有所憚以不流於惡是以善爲政者爲尊德樂道以移風易俗而已此南面臨民者之常經也其變也奸雄盜國柄以覬覦重器恐天下之不吾從也於是祖指鹿爲馬之故智別創一異說以爲倡同之者擢用異之者黜退老師宿儒卷舌不談射時干



利之士承風響臻士習壞而民風從之國無所立以底於亡此吾師鄉庭先生所深慨者也先生余氏榜名作新薌庭其字也爲人孝友肫摯衣冠整肅俗所嗜殆無一好自少時喜爲清真刻露之文縣府屬列前茅院試迫於短晷恆以不盡其長爲恨年四十六始入縣學爲生員而長子德馨早已蜚聲庠序先生循循善誘從游者衆河西諸塾殆無與並者時蜀中哥老方盛先生尤深惡而力屏之謂其大則釀國家之禍小則爲風俗之憂亡身敗家莫捷於此士人不自貴重波蕩而入其中其黨倚其名以爲招而一方俱陷溺矣恆舉其孽報以戒門下無日不再三言也後川督丁文誠公捕諸著名者獨亟人以先生爲前知先生笑曰吾非能前知也天道貴公而彼貴私聖人教讓而彼教爭王法期行而彼期格是其違天背聖與法令忤蒞民者所不容也雖然丁公封疆賢大吏欲鋤治之而天不假年可憂方大也及袁氏以

灌志文徵

卷四

碑誌下

四十一

告變竊國鈞廢科舉興學堂遣士出洋而革命黨起潛通哥老以糾大眾而其會黨復驟盛逮同志會興遂爲全國革命之導纜而其中之桀黠者皆乘時以攫取富若貴諸黨徒附麗之以蔓延于鄉里其良善之家不被其害者蓋已僅矣前西川道倪君煥奎慨然帶兵出巡欲爬梳之羣盜四竄地適大震倪嘗從昌麟受學乃造廬問方略昌麟以勿嗜殺告戒之先生聞而不悅曰吾子不忍於強暴獨忍良善之久困而無所仰訴乎昌麟於是辟席謝不敏蓋先生醴粹愷弟語人爲恐傷獨聞國有奸壬野有盜賊恨不能盡誅以肆於市朝也先生以道光丙戌年十二月二十日午時生有子三長卽德馨次德壽俱早沒三德琳出嗣胞弟應鵬至民國四年乙卯二月十八日辰時先生卒於家享壽九十有一歿前二日寢疾召其宗親子弟至納履整冠從容而逝其神明湛如也長孫象賢兼祧德馨德壽者也踰年奉先生棺安厝

於蔡家坎之高原距焦家菴數里之東偏實來請銘銘曰  
使先生而公卿也不能遇變法而沈浮將擊奸以自休使先生而牧令也嫉  
盜賊如仇讐肯縱不逞者之謬悠天於先生若獨厚使之抱道而自修壽考  
而優游焦菴蔡坎之間觀豐碑而夷猶者曰是爲君子之松楸

甘肅候補知縣周公子碑陰記

王昌麟

公子諱慶綸字式丹吾鄉翰林院編修周雅堂先生之元子也公子以同治  
元年生及編修主講岷江書院時在光緒四年公子年甫十六已能文章善  
詩賦楷書適麗人見者無不歎羨公子秀眉朗目玉雪英峙常有跨邁流俗  
之志然輕急易怒遇齷齪者必以氣陵之以是不爲人所傾向顧獨與余相  
引重蓋余之初見師也堂課題爲一文一賦一詩余伸紙呈藝師評云生花  
筆尙在君家望自勉旃蓋師於邑中名宿最推重先府君之才敏因藉以獎

灌志文徵

卷四

碑誌下

四十一

誘如此退而使公子詣余訂交焉公子承父命以交余余亦以師故盡心以  
規公子故有所箴砭或至裂眦頓足而號呼不旋踵而仍無間也嘗於雪夜  
師歸私宅公子密招余與賈君思徽飲於書院之講室以歲寒三友製製拈  
鬪分詠余得伴竹賈君得訪松公子得探梅中有句云奴背錦囊因雪重橋  
邊茅屋認仙居賈君曼吟數四相與鼓掌交譽極懽余與公子同歲賈君齒  
差長然均未及冠迄今追思二三垂髫童子積雪在庭脫屣登榻鑪紅酒綠  
翦燭聯吟斯亦天下之至樂也踰年余與賈君分應廳縣試各以第一入學  
爲生員而公子隨侍其親北上及後歸里亦屢冠童軍試遺才恆第一獨思  
一著藍彩而不可得可怪也猶憶辛卯鄉闈後余與公子微服冒雨訪一相  
士坐方定審而言曰兩君皆貴人也然王君當以科目自達周君將以保舉  
出身不能同也問余年敬告之屈指日君已於前科中式矣顧問公子君今

亦入闈耶然於吾法當以監生入闈不能得秀才也公子顧余而笑噫是誠前定者耶不然以公子之才藝方諸掇甲乙巍科者未遑多讓奚一衿之能阻庚子同在京師余既請假歸里君旋用知縣分發甘肅以去至是遂不復再見公子初娶於張孝順婉麗生三子舟覆咸歿於峽後度隴再娶皆不逮亦不睦歿竟無嗣聞者悲之賴侯既表吾師之墓而施及于公子故囑余并記其爲人大略于碑陰因追念疇昔游處之歡憶及成都相士之言感夫天之生人若有定者書其事以塞余悲也

先妣王母張氏太宜人碑陰記

王昌麟

先妣宜人其先張氏山西聞喜縣東宋村人也父志興公質遷於灌城娶於劉生一子名克和女二長即宜人生有令質四德咸修父母皆鍾愛之張公臨終謂張母曰吾家孤寄於此選婿必庠序中人統絳庸俗之子窺勢利爲

灌志文徵

卷四

碑誌下

四十三

低昂者不足以與吾女也踰年克和又病歿張母悲感之餘擇婿益嚴時先府君爲邑名士元配楊宜人病蹇弗孕者幾二十年頗以乏嗣爲憂姑遣媒自以己意往說之張母嫻黨中夙仰府君文名交譽之張母大喜許嫁奩贈甚豐珊瑚瑪瑙金玉之珍畢具比既入門察知家貧略無違怨躬執刀砧修行婦道閨里咸欣逾年而楊宜人乃生長兄正朝又逾年宜人生次兄正義遂迎張母同居于灌城府君以好持清議屢忤邑宰宰怒撫他事嚴劾而重錮之宜人扶母挈子日暮呼冤獄乃得解府君於是感憤去游學蓉垣十餘載不恒歸楊宜人委宜人獨專家政勤儉居積置田五十餘畝及藍李之亂邑宰召府君歸俾領鄉兵與商戰守積功保五品藍翎然府君習游久不常家居也晚年在省病篤宜人親往護視以歸府君自知不起乃劃產爲三分授三子比卒宜人哀毀顛至滅性不復嘗省家政時正義甫冠離塾昌麟僅

六齡耳正義專治父喪倭甚族人因以重利盤剝之盡典其田井及昌麟所受田幾無租可入宜人病起察知憤曰汝厚於送死而弗念生者耶如某某者食菌忘樹負其叔恩甚矣顧售田僅餘百金佃田自給事已無何衣粗食糲下至拾穗緝麻之事靡不爲夏日無薪割草以爨每天陰雨潤突煙瀾漫小兒女相向泣恒不得食人以爲宜人生平未嘗艱苦宜人顧坦然處之課昌麟而命之讀曰汝父嘗謂汝必大其門惜吾壽不永不得長享有汝福耳晨夜一燈熒然相守朗誦則喜倦則腐之如是者十有三年而昌麟始以黌案第一入縣學爲生員旋調充尊經書院高材生母大喜慰遣迎楊宜人於柳街曰汝長兄正朝以嗜煙蕩其產長嫂周氏早沒母無所依吾不忍也及是敕婦曰具酒食與楊宜人飲懽甚蓋自府君之沒宜人得以申眉愉悅者唯此數月爲然耳明春時疫流行昌麟染疾甚重宜人求醫問卜趾不暫停

## 灌志文徵

### 卷四

### 碑誌下

### 四十四

至東嶽廟求得籤凶甚宜人大慟曰是兒不起吾家殆不復興矣神告我以不吉者吾其當之於是怏怏頓病比昌麟杖而能起宜人遂棄養而長往矣天乎痛哉宜人人生於道光某年某月某日卒於光緒壬午年三月某日享壽五十有六即以是年五月某日附葬於府君之墓左辛山乙向宜也初宜人來嬪也猶及事姑周孺人孺人喜曰吾女也蓋孺人有一女淑麗善承親歡適師氏而早卒故稱以比之自慰云爾張母依宜居者三十餘年甘旨之供不以貧缺柔色小心終始無間歿奉其棺以附於張公墓右在今靈崖山麓者是也宜人爲女爲婦克全孝道至於訓子以嚴略不假借有過叱令長跪反覆誥戒服罪而後笞之曰不痛弗記也平居灑掃庭除必令潔淨兒女衣履必令修曰整即此便是振興氣象也昌麟成童有譽能致賓客敕婦辦具必豐必潔曰士人須友以成客不可慢也次姨適馬氏者家綦貧宜人

所以調恤之者甚厚雖見其他婦孺藍縷者必緝綴故敝以遺之曰吾以行吾惻隱之心而已昌麟自母服闋後叨晏鹿鳴復入成均公卿交薦感變假歸復以前預大挑二等選授銅梁縣訓導前後屢遇覃恩加三級宣統初元得贈母爲太宜人時昌麟調充省學教員兼法校監督既邁國變退而閒居追維先妣嘉言懿行不可殫記恐後人忘其持危扶顛之功勤也謹撮大略著於碑陰

清封朝議大夫胡公墓表

羅元黼

公諱昇猷字鴻賓灌南人也幼穎敏四歲時祖授唐詩諷詠皆上口弱冠治詩古文辭冠其儕督學何子貞賞拔之餼於庠後卒以軍功起家聞譽燿一時方公之遨遊諸縣幕也鄉試屢薦弗售會天下多故崇慶人黃觀察鼎初統蜀軍駐陝禮羅相助公遂應命往時年已冠曾率軍至鳳翔卒遇賊大破

灌志文徵

卷四

碑誌下

四十五

之霖雨浹旬諸營乏糧蜀軍宿飽公籌策力也擒賊犯省城諸將馳援相遇瀾澆間恃勇輕進雪甚及尺賊橫突之三十餘營皆覆公與黃觀察出奇奮擊破圍至東關力拒城卒以固湖自諸生從軍屢膺懋賞其保教諭也以復階州功其保知縣也以破回賊功其保免選教諭以知縣即補也以保固原功其保留陝補用也以復董志原功既引見到省昕夕從公不辭勞苦爲大府倚重尤莫如黃觀察丁憂靖變事先是觀察聞喪就道營務適病軍中有潛煽者頓形不靖大府檄公馳撫公至曉以大義士衆帖然上游亟嘉歡摧補岐山縣知縣僚舊咸賀公曰君恩重知遇隆正志士報國之始一官非所榮也其治岐也嚴束家丁索取陋規除驛站草料征損金以資其費歲旱步禱太白山澍雨大霈凡境內祠廟應祀典者罔弗葺襟懷坦夷無城府嘗謂官民相習如家人父子則上下自通無飾智要譽爲也治岐十三年以光緒

壬辰三月卒於寶鷄任春秋六十二歲公生平無他嗜獨癖金石圖籍極意  
搜求揮重金不少靳鐫岳鄂王書出師二表嵌五丈原武侯祠壁至今傳誦  
焉其他刻古今人集甚夥余外舅葉森東先生與公爲僚婿憶兒時公丁憂  
旋里於喪次獲瞻丰采葉視公恒佖僚其數奇也儼焉數十年俱歸黃壤卽  
公摩挲珍賞之古物遭變已無復存嗟夫得失何常榮枯夢幻亦視其人之  
沒世與草木同腐否耳公之孫久焜余婿也來請文乃撮其概略而表諸墓  
配張宜人子廷壁廷璽廷鑒廷榮繼室袁宜人無出楊宜人女一適葛孫六  
久斫久焜久熙久培久耆久盥曾孫五

故銅梁縣教諭王君墓誌

宋育仁

君諱昌麟字瑞徵世成都灌縣人考諱圖書縣廩生員敏學工詩弱冠文名  
徧州邑慷慨好義會遭藍寇之警助吏爲守授兵登輅指揮有謀賊遂逖遁

灌志文徵

卷四

碑誌下

四十六

城鄉獲完稱爲隱德妣張氏同產三人君其季也生而嶷異五歲授讀過目  
成誦父行聞其異遇輒命詞屬對信口立成儼偶必稱里有神童之譽六歲  
而喪考哀誠禮度儼若成入家有先疇七十畝以舉債售之母與伯氏斫炊  
而居財百金之資生計益絀或勸棄學爲藝徒君聞之慨然曰家雖貧詩書  
手澤猶存也寧客作乎伯父丹書歲貢聞而壯之挈之于家學誦如故光緒  
乙卯補縣學生員先是南皮張文襄公督學蜀立尊經書院由學使選調高  
材生受學餘姚朱詹事來視學重德高俊君特膺其選湘潭王先生來主講  
蜀學方盛從受周禮并治小學古文詞學業益達乙酉先生還鄉君乃治李  
負笈更往從學於湘住湘綺樓者二年戊子中式四川鄉試舉人再上春官  
不第考取入國子監南學時宗室盛祭酒振興南學用積分升齋獎進髦士  
長沙張文達繼之君以得徧窺大學所儲四庫全書比及三年學績課最名

聞公卿間尤見重於張祭酒因管理國子監大臣常熟翁公以碩學通儒奏薦待詔將復先朝召試之典而庚子義和團之難作京師震驚兩宮西狩有驛郵吏楊茂臣以馬遞之傳挽君南返蓬髮徒跣踰太行涉龍門三墜其騎四餐毛食歷七晝夜而達關中既得歸里遂絕意於優仕矣邨灌兩縣書院爭延主講遠近來學者數百人時科舉未停進登接踵旋改學校歷膺幣聘主眉屬川東師範四川高等各學校蜀中後俊及門爲多宣統初被選爲四川諮議局議員逾年而國難作成都將軍駐少城擁騎兵五營排滿之說盛相疑之勢成成都巷戰之禍殆將見於前而荊州西安旗民之難幾不免於蜀矣君在議發言以國初肅王射殺張獻忠爲詞曰此功在蜀民蜀人慮皆知者僉曰然然則義當保護且爲籌旗民生計永以相安又僉曰然議遂決而閭閻安堵澹然忘焉時與余道亂離間語及之聞而歎曰傳所謂仁人之

灌志文徵

卷四

碑誌下

四十七

言其利溥哉於是卜居灌東玉壘之麓爲玉麓別墅舉家而遷焉闢小園蒔花竹時則董理舊箸與故舊朋輩子弟及門談歷代興亡先賢往事以此自終余被放還二年避成都巷戰提挈長幼假居山莊謀結鄰未果比返聞君遘疾逾年遂歿君恭儉自將不苟取與接物以誠在嫌無怨箸有周官通釋中國文學史晴翠山房詩文鈔惜齋文錄若干卷少以詞賦知名晚益說經經經論文章源流故見重於世生於同治壬戌年正月初九日卒於戊午年十二月二十四日年五十有七娶崇慶王氏子二長登崇次登良女三長適同縣彭次碧筠綠筠未字將卜葬於邑金馬鄉之原登崇敍狀行誼合以平生所知爲誌以貽諸幽

師仲華墓誌銘

曾學傳

仲華卒之明年將葬其尊人以書告予爲誌其墓予方次仲華遺稿六卷訖

愴於心者不能已蓋悲仲華以絕人之才凝道之器而不長於世也其人其文皆如中天明月清徹九霄迴非世俗功利馳逐之士所能窺其涯際而識者輒爲心醉遭時之亂邪說充斥余方以古先聖人之業責諸己仲華與廣漢謝慎安岳謝世壁開江王育初諸子實左右予仲華年最少聞道最早吾力雖微而師弟朋友相與矢於風雨晦明幽獨寤寐中者窮天地亘古今而莫之易也又豈生死所得而間哉然使仲華不死其光吾業者必大且善類多則氣燄雄以厚幹邪世而還諸正仲華豈多讓哉故仲華死爲吾黨所同悲也豈惟父母哭其孝兄弟哭其悌親族哭其賢耶則仲華之死微獨師氏之不幸乃聖道之不幸也雖然宇宙之內仲華固有不死者在也仲華名表原名泰儀灌縣師竹君之仲子予以女樹芬字之兒子寶和遺以勉齋集蓋以直卿期之也仲華年二十甫報婚期遽以病卒樹芬歸師氏守貞時在民

### 灌志文徵

卷四

碑誌下

四十八

國九年夏仲六月明年辛酉四月既望葬仲華於靈巖新阡銘曰赤手舉天  
霧霧攬雙瞳日星萬象豁出形入神皮殼脫幽岡薶骨性則活岷嶮毀折不  
克奪

#### 曾貞女墓誌銘

堯階

貞女名樹芬字馨腕溫江曾習之先生長女也幼承父訓嫻禮教諳書史居  
恆不苟言笑惟侍父母則婉愉和順亦天性然也及笄字灌邑師竹君之次  
子仲華仲華年少負不羈才嘗欲以文名於世及從習之先生遊遂別華究  
實毅然以道自任未婚而仲華病卒貞女聞耗哭泣誓以身殉父婉諭乃止  
旋請過師氏守貞父知其志不可奪允之即擇吉送至灌面仲華柩哭奠成  
禮舅姑皆竊幸許以仲華昆季有出卽爲立後逾年姑以思子患心疾危甚  
貞女陰割臂肉和藥進之及愈聞其事益愛重然貞女素寡默非姑前少歡



語尋姑以他病故貞女哭之哀每獨處自傷熒熒失所恃惟念翁尙在不忍遽死耳今年夏翁蒙難被縶貞女歸泣告其父乞爲援手父允之乃返甫三日噩耗至而貞女竟投江死矣嗚呼果何爲哉聞貞女盡節之前日傍晚即扃戶下帷有戚屬自隙窺之一燈熒熒如故也比曉呼之不應排闥入闔無人始大驚遍覓弗得乃登樓見樓門已啟簷瓦踏碎數十片下視之土凹痕宛然從而跡之登城行數十武至三泊洞遂爲貞女授命處旣獲屍解其附身物皆層層密縫斷以刀索懷中得絕命詞有一死全貞之語噫異哉夫貞而欲全全之可也奚必死必死而始克全之貞女其殆急翁之難而死歟當道聞其事釋翁歸其誠之感人洵有不可言喻者是歲十一月二十六日葬貞女於仲華之墓次貞女生於光緒二十四年十一月初五日卒於民國十三年夏正五月二十一日銘曰英光烈烈水之澗自淑其身照千古蘭不膏

灌志文徵

卷四

碑誌下

四十九

煎香不吐玉臺巍巍有淨土山月齊輝迺真字上界龍鸞自天偶人間悲怨焉足數委骨靈巖貞不腐

先祖吳府君墓誌

吳開周

府君諱運超字遠舉先世籍湘康熙初始祖必堯公入蜀居灌東湧山寺側五傳而至府君生三子長雲鶴卽開周父次雲光次雲鬣一女適張氏府君性倜儻敢任事成豐庚申藍逆犯邑境府君同何孝廉左泉督團防禦賊不敢深入而烽火之餘人多走匿山谷中府君慨然思聚族乃闢地建宗祠四周植柏嘗曰十年樹木百年樹人吾祝其蔚爲良材族人同茲暢茂也同治五年府君卒卜葬祠右開周奉嚴命誌之以詔嗣人

從善堂義塚地碑

陳炳魁

攷周禮墓大夫掌凡邦墓之地域令萬民族葬何法制之詳密也蓋古者均

地畫井計夫授田民之生也入而在邑居同閭里出而在野耕同廬舍齊一均平各得其所及其死也穴土爲塋共域而葬此東彼西必圖其界左昭右穆各從所親掌之官司而禁令之故民皆崇仁孝厚風俗克盡慎終送死之道焉自井田不行兼併日起而落產失業之家生既無以爲養死亦無以爲禮甚者蓬蒿委棄白骨誰收風雨飄搖黃腸日朽生也何幸竟無寸土靈兮不昧長恨重泉故棲魂奠魄揜骼埋鬻義塚不容不設矣我國家愷澤旁敷思膏永沛各府州縣頒立厲壇捐施義塚凡無地之民無祀之鬼莫不殯之葬之而祭祀之是以治洽幽明澤周枯骨世道人心之醇遠邁漢唐比隆三代也灌邑石羊爲河西一大聚舊雖有義塚數處然戶口繁多每慮隘不能容鄉人十復捐金數百購田四畝餘宏開吉壤利濟鄉閭佳氣葱鬱幽宅固安誠能體聖朝之德政而推擴一心之善端者矣故誌之

## 灌志文徵

卷四

碑誌下

五十

### 培修古官家塲義塚碑

游觀

光緒二十一年春余偕同鄉諸君子培修灌東古官家塲義塚爲咸豐庚申河水冲毀者自始議至成功未逾十日洵吾鄉樂施好善者之勇也奈河圖之不早致令流離無告之孤墳坐受此三十六年之厄哉况疇昔興會濟孤捐貲者尙有四十餘家而亦計未及此得毋成敗之數有不可移者乎大抵前人之意以爲壞塚殘墳精魂已杳譬之荒臺舊苑陳迹空留不庸顧惜耳抑知血脉旣鍾英靈何往焄蒿悽愴若或見之忍視其暴露耶此正可以矯前人疏忽之弊而開後人軫恤之思者舊有殘碣因磨而誌之庶幾無覆轍之重蹈也

灌志文徵附載

勘誤表

卷數頁

數行

數譌

舛

卷三碑誌上

第一頁 第三行夾注

按人二字互易

同 第二頁 第二十行第二十一字

蚪應作蚪

同 第三頁 第八行第一字

蕭誤作瀟

同 第四頁 第一行正文

多一覽字

同 第六行正文

猛虎二字誤倒

同 第五頁 第十二行正文

一雲字應在凌字下

同 第八頁 第七行第五字

恃誤作持

同 第九頁 第十一行第十六字

鑿誤作鑿

同 第十三頁 第十六行第二十一字

字誤作字

同 第三行第十五字

菱誤作菱

灌志文徵附載

勘誤表

同 第三行第二十九字

脫一曰字

同 第十四頁 第九行第三字

冶誤作治

同 第十四行第十一字

堰誤作堰

同 第十六行第一字

同

同 第十七行第二十字

同

同 第二十一行第八字

行誤作衍

同 第十五頁 第二十二行正文

僉字下脫一曰字

同 第十六頁 第十七行正文

伊始二字誤倒

同 第十九頁 第十四行第十九字

視誤作祀

同 第十六行第十二字

蟠誤作蟠

同 第二十頁 第四行第二十七字

瞋誤作噴

同 第二十二頁 第十五行第二十九字

同誤作固

同 第二十二行第二字

醴誤作體

第二十四頁 第二行第二十

徇誤作狗

同 第四行第五字

漏誤作福

同 第七行第十七字

栗誤作粟

第二十七頁 第八行第十

具誤作其

同 第十五行第二字

資誤作賓

第二十八頁 第二十行第十八

粉誤作紛

第三十頁 第六行第十

距誤作詎

第四十頁 第二行第十二

謨誤作漢

同 第九行第五字

魚誤作魯

同 第十五行第五字

源誤作原

第四十二頁 第一行第十三

鼓誤作鼓

同 第七行第四字

融誤作蝠

第四十五頁 第十行第一

疊誤作疊

灌志文徵附載

勘誤表

同 第十三行第二十五字

帷誤作惟

同 第十五行第五字

焦誤作血

第四十七頁 第四行第二十七

祐誤作祐

同 第七行第十四字

惠誤作患

同 第九行第五字

欲誤作飲

同 第十行第十七字

履誤作履

同 第十五行第十七字

瞰誤作瞰

同 第十九行第八字

撥誤作撥

第五十頁 第十五行第二十九

績誤作績

同 第十七行第十

字誤作家

第五十一頁 第二行第六

侯誤作候

第五十二頁 第十四行第二十九

略誤作絡

同 第十五行第十一

也誤作之

第五十三頁 第二行第十五字

畜誤作蓄

同

同 第七行第五字

鄰應作鱗

同

第五十四頁 第三行第二字

捍誤作悍

同

同 第五行第四字

牛誤作牢

同

第五十五頁 第一行第二十字

唐誤作康

同

同 第十三行第二十八字

自誤作白

同

同 第十五行第二十字

修誤作終

同

第五十六頁 第一行第二十三字

岸誤作斨

同

同 第十三行第十八字

舊誤作觀

同

第五十七頁 第五行第十八字

燦誤作灤

同

同 第六行第十二字

沙誤作炒

同

第五十八頁 第十六行正文

曰此二字誤倒

卷四碑誌  
下

第一頁 第十一行第一字

感誤作惑

灌志文徵附載

勘誤表

三

同

第二頁 第一行正文

岳誤作巴山

同

第三頁 第二行第二字

自誤作目

同

同 第二行第二十二字

羸誤作羸

同

第四頁 第六行正文

若字下脫一元字

同

第六頁 第九行正文

郎建二字誤倒

同

第七頁 第十四行第十二字

不誤作亦

同

第十頁 第五行正文

葬字應在于字上

同

同 第九行第二十九字

宦誤作官

同

第十六頁 第十行第十九字

折誤作析

同

第十七頁 第七行第二十三字

守誤作字

同

第十八頁 第十四行第二十九字

論字應在次行曰字上

同

第十九頁 第二十一行第十四字

兄誤作足

同

同 第十三行第十字

忘誤作望

第二十頁 第八行正文

議誤作儀

同

同 第十一頁 第二十三字

消誤作清

同

第二十三頁 第十二三行正文

庶氣二字互譌

同

同 第十七行第三字

域誤作越

同

第二十四頁 第十六行第十二字

折誤作析

同

第二十五頁 第十三行正文

多一公字

同

同 第二十行第八字

矣誤作以

同

第二十八頁 第九行正文

堡誤作保土

同

同 第十四行第二十九字

亦誤作一

同

第二十九頁 第二行第十五字

績誤作積

同

第三十一頁 第八行第二十七字

自誤作至

同

同 第二十二行第二十二字

子誤作手

同

第三十六頁 第十五行第十三字

焉誤作采

灌志文徵附載

勘誤表

四

同

第二十九頁 第十七行第十四字

驚誤作贅

同

第四十頁 第十九行第十九字

材誤作村

同

第四十一頁 第十行第十八字

如誤作爲

同

第四十二頁 第十四行第二十八字

題誤作製

同

同 第十五行第一字

關誤作闌

同

同 第二十行第四字

衫誤作彩

同

同 第二十行第二十五字

冒誤作胃

同

第四十四頁 第二十一行正文

整日二字誤倒

同

第四十七頁 第七行第二字

諮誤作詔

同

同 第十一行第八字

忘誤作忌

同

第四十八頁 第二行第十九字

逐誤作遂

同

同 第十二行第五字

正誤作仲

同

第五十頁 第七行第一字

恩誤作思